



ॐ  
॥ॐ॥



5/19







সম্পাদকীয়	শান্তি সিংহ	১
সমীপেষু	মানস সিংহ, শিল্পচর কলেজ	৩
কবিতা	১। 'উদ্দেশ্য' — স্বাধীন	৬
	২। 'প্রিয় ধরিণী, প্রিয় মানস, প্রিয় কবিতা'	৭
	মূল — ছবি গদ্য	
	অনুবাদ — লিওলিসা মঙ্গল	
প্রবন্ধ	'হরিনাম-কীর্তন-সম্পর্কে'	৮
	— ডঃ কালীপ্রসাদ সিংহ	
কাগিকারাং	'তিন মৃগ অমর অনির জ্বলা'	১৪
	— প্রবন্ধ	
সমালোচনা	বদন সিংহর 'আশার আশার'	১৭
	— গোপীকান্ত সিংহ, শিল্পচর কলেজ	
গল্প	'সাত্তে তিন আত্ম হপন'	২০
	— স্রীতি কুমার সিংহ	
শিল্প-সংস্কৃতি	'বিলুপ্তির পথে আমার সংস্কৃতি'	২৮
	— উদয়ধ্বজ	
সাক্ষাৎকার	'চরিত্রাভিনেতা' গোলাপ সিংহর লগে ওহাক	
	আহান' — নিশি কান্ত	৫৪
পৌ	— বীরজিৎ সিংহ, শিল্প	৬০





বিশ্বপ্ৰিয় ত্ৰৈমাসিক পত্ৰিকা  
Bishnupriya Manipuri Quarterly Magazine

দ্বিতীয় বর্ষ তৃতীয় সংখ্যা

তারিখ— ২৭/৪/২৬ ইংরেজী

সম্পাদিকা :

আবিসি সিংহ

প্রকাশিকা :

শিবানী সিংহ,

কাশিম আলি সেন,

বিবেকানন্দ রোড,

শিলচর — ৭।

উপদেষ্টা :

স্বর্গতী কুমার,

নিশিকান্ত।

প্রজ্ঞাপানিত :

ক্রেত প্রেস

ভারাপুর, শিলচর — ৩।

পরিবনিয়ম :

রূপা লক্ষ্যমান।

পত্রিকা





সংস্কৃতি শব্দএগ ইংরেজী culture শব্দর বাংলা পরিভাষা। ইংরেজে আনেছেতা লাতিনভাষা Agriculture এস্তা। য়েগরে বাংলায় রূপদিল্য কৃষ্টি অর্থাৎ “কর্ষণ”-কর্ষণ শব্দ এগই ইজিত করের। য়ে কুনো বিষয়ে যত চাষ করতাই মাহেই ছুরা ছুরা বস্তুর সৃষ্টি ছুরা ছুরা আবিষ্কার, নমুনা নমুনা কায়ে দক্ষতা ইত্যাদি। এহানর গতি সৃষ্টিশীল বা উৎপাদনমূলক কৃষ্টি’রে পিছেদে রবীন্দ্রনাথ ঠাকুরে বর্ধার্থ অব্যাহাম দিলতাই সংস্কৃতি। সংস্কৃতির প্রত্যাবে চিত্র উদার অর যেহানে অন্তরে আনেদের শাস্তি, নিজরপ্রতি প্রহা, আত্মসংযম, বন্ধুতাব। যেহানে জীবনর পথগ সহজ বারো কলাগময় করিয়া তুলের।

পিছে পিছে সংস্কৃতি সাংস্কৃতিক অনুষ্ঠান নামর মাধ্যমে এলা নাছা, অভিনয়াদি ললিতকলার চর্চা আরম্ভ আই’ল। এ কলাকৃষ্টিরে কলকয়িয়াই শ্রীকৃষ্ণিয়া মণিপুরী সমাজর জীবনযাত্রা। আর্থগিরি গিধানী এ কলাকৃষ্টির মাধ্যমেই ঊলছিলা, পালছিলা। ঘরে ঘরে এলা নাছার চর্চা চলিল। পূজা পার্বণ নামা সামাজিক অনুষ্ঠানাদি এলা নাছালই পালন করে গেলাগা। উবাকা সমাজে কলাকৃষ্টিরে নিয়াম সম্মান দিলা। বারো একান্তমনে সাধনা ও করলা। অথচ আর্থগিরি-গিধানীয়াং অউসাদে আক্ষরিক জ্ঞানও নেই অছিল— আজকালি-কার সাদানে ডিগ্রীধারীও নেই। সংস্কৃতির ভাব ব্যাখ্যাও হারনা-পাছি। কিন্তু হারনাপানির ভিতরেও গড়িয়া উঠেছিল সুসংস্কৃত সমাজ অহান। কিসাদে এ কলাকৃষ্টির শিকার ভিতরেই নিজরে সুসংস্কৃত করিয়া তুললা। সামাজিক জীবআগ হিসাবে য়ে ন্যায়নীতি, আচার ব্যবহার, গুরুজনর প্রতি সম্মান, চলনধরণ কথাবার্তা হাবির জ্ঞান পেইলা। এহানই আত্মসংস্কৃতি। ঐতরেয় ব্রাহ্মণে মাতেছে— ‘আত্ম-



সংস্কৃতি শিল্পানি। রবীন্দ্রনাথ ঠাকুরের ভাষায় শিল্পই আত্মসংস্কৃতি—  
আত্মগরে সুসংযত করিয়া মানু, যেকা আত্ম সংস্কার করতারা  
অর্থাৎ সমাকরূপ আহান দিতারা অউহানই শিল্প। এ শিল্প এহানই  
আমার সমাজের জীবনযাত্রার লগে অতি ঘনিষ্ঠ।

এমাটিক কচিসম্পন্ন সুসংযত সমাজ আহানর হোতগর মা  
আজি কালি পড়িল। এ সৃজনশীল উৎপাদনমুখী সংস্কৃতির চলতি  
হোতগ যেনেইত বাউক লইল অউপেইত পলি পরতে পরতে হোত-  
গর গতিহান নাওকরিয়া অচল হৃদগর সাদানে কুনআগদে পড়িয়া  
বাইল। বিজাতীয় আবজনা জমতেজমতে দলুনিগ অইল। এহান  
রকা দায়ী কুং-সমাজ নিজে? অথবা পরিবেশ অথবা মি? এবাকা  
কুঙগই এপলি সেচেয়া সংস্কৃতির হোতগ বহেইতই— দলুনি কাপে  
কাপে সেঙকরিয়া নির্মল সমাজ আহান সৃষ্টি করে পারতই কুঙগই?  
পারতইতা আকগই— যোগই সংস্কৃতিহান চিনেপারেছে হারপা  
পারেছে গিরক উগই।

সংস্কৃতি এবাকা হাতে হাতে মানসিক অবস্থা বা ভঙ্গীআহানাত  
কো অইলগা। ভঙ্গাহান অইতে অইতে গড়েইপাহানাত আহিল।  
কিয়াকা বুললে আধুনিক সমাজে জোয়াড়কাছে আমার সংস্কৃতিহান  
হারির মুণ্ড খুলিয়া ধরামি লাগতই। কিন্তু এবাকা আমি সংস্কৃতি  
বুলতে যেহানি হারপেইলাং এতারমা কুন সংস্কৃতিহান তুলিয়া  
ধরতাং। কারেলইবা তুলানি অইতই।

—★—



### সম্পাদিকা গিধানক :

সাহিত্যিক ইন্দুকুমার সিংহ গিরকর লেখা প্রবন্ধ “বিষ্ণুপ্রিয়া মণিপুরী জাত বারো ভাষা প্রসঙ্গ” (২য় বর্ষ ১ম সংখ্যা) পাকরিয়া মনে অইল যে প্রবন্ধ এহান সমাধা পয়োগী আছে।

বিষ্ণুপ্রিয়া মণিপুরী সাহিত্যৰ প্ৰগতিৰ অন্তৰায় অশ্বা উবা আছে বানানৰ সমস্যা এহানৰ সমাধান অইতই যদি গিরকৰ দৃষ্টি ভঙ্গি এহানৰে সমাজৰ হিতৰ মনোভাবলো গ্ৰহণ কৰিয়ার। অন্যথাই লাহলা কতবছৰ আগ্ৰানে লালনিং পৰেছি। এপেইত্ লাহলা বুলি নিৰ কাৰণহান অয়লতাই সাহিত্যিক ইন্দুকুমার সিংহ গিরকে মাতেছে পাৰেঙহানলো— “যেতাউ অক পইলার গবেষক হিসাবে ডঃ কালী প্রসাদ সিংহ গিরকে “বিষ্ণুপ্রিয়া মণিপুরী ভাষাতত্ত্বৰ রূপরেখা” বুলিয়া পূৰ্ণাঙ্গ ব্যাকরণ আহান আমাৰাঙ খুন্তল দিল। .....। এ বিষয়ে ডঃ সিংহৰ বিপরীত অল্প গবেষকৰ পূৰ্ণাঙ্গ ব্যাকরণ না নিকুলেছে।” নিৰপেক্ষ দৃষ্টি ভঙ্গিল মাতানিৰ সাহস কৰিয়ার— ডঃ সিংহৰ বিপরীত কোনো পূৰ্ণ ব্যাকরণ নেইঅইলেতে বারো কিতাৰ বানানৰ কোলি?

শ্রদ্ধেয় ইন্দুকুমার সিংহ গিরকে “Linguistic Survey of India”র উল্লেখ করিয়া বিষয় এহানৰ সমাধানৰ পথগো নিয়াম হবা করে দেহুৰা দেছে। ডঃ জি, এ. গ্ৰিয়ারসন গিরকে মাতেছে বুলিয়া ছন্দা গ্ৰহণীয়হান নাগৈ। উহানৰে বিচাৰ বিবেচনা কৰিয়া ডঃ সিংহই বিঃ মঃ ভাষা এহান মাগধী প্ৰায়ত জাত ভাষাহান আরো বাংলা অসমীয়াৰ লগে মিলেৰতা বুলেছে; লগে লগে বিঃ মঃ ভাষা এহানৰ স্বতন্ত্ৰ ভাষাহান হিসাবে প্রতিষ্ঠিত করানিরকা অসমীয়া বাংলা-রাঙতো তঙাল ব্যাকরণৰ উদাহরণ খানি ভাষাতাত্ত্বিক নিয়মলো ব্যাখ্যা করেছে।



অন্যবেদে শৌরসেনী গোষ্ঠিয়ে তানুর নিজস্ব ব্যাকরণ কিতাউ  
নেয়া লাহলাদে ডঃ সিংহর বিরুদ্ধে অপ এচার চালাছি। ব্রজেন  
কুমার সিংহর কবিতা “বিছ তিতু” এপেইত শাকরানি মনেইলাও—

ডাহে ডাহে মাতের রাতি বিছ তিতু  
বেলী এহানরে মিতে কতি গালা দিতু ॥  
লাছপেয়া কালি চেয়ো নাহিতই আর  
বিয়ানে দেহের বেলী বারো গজে কার ॥

ইতি—

শ্রীমানস্ সিংহ

অধ্যাপক, শিলচর কলেজ।

সিঙ্গারী

দক্ষিণ আসামের নির্ভীক বাংলা  
‘দৈনিক বরাক বাণী’  
পড়ুন, পড়ান এবং বিজ্ঞাপন দিন  
হেড অফিস  
তারাপুর ৭ম খণ্ড, শিলচর-৮  
ফোন নং— ৩০৫৪১

চিন্তা



## উদ্দেশ্য

স্বাধ্যায়

শঙ্খ মালা পিড়েছিল দিন উহান  
কৌমব্রত দেহাগত  
সমুদ্রের পারে লেঙাইর সেতিত  
ডুলবির ঘরে সৃষ্টির লীলা খেলাত  
তোর সঙ্গ বাছেয়া  
সাগরর গভীর আহ্বানে  
‘মিলনর তিরাসে’  
‘নিশীথ আধারে খুলেদিলু ছরার।’  
ধূপর গল হাজিয়া খাইলু বাছেয়া।  
পাগল বউহানে বাগেয়া গেলগা তোর আগমণ বার্তা।  
খাকি লেহাউ আগ পিড়েছু চুলকাতা এরেদিলু।  
সৃষ্টির নিষোর আধারে  
হাগে কালাপানিয়ে তিলছে দেশেত্ত মিঙাল আহানে  
ঙাল করে দিল অমৃতপূরণ।  
কল্লুকে কল্লুকে নৃপূরর হুংশি রো  
ঈশান সমুদ্রকোনে আফালে আফালে  
উখাল পাখাল —  
কাপানার বৃকে মুক্তা হঙনিরগই —

প্রিয়তম

হৃদিগর গভীরে প্রেমর জোয়ার  
প্রিয় মিলনর আবেগে অবশ মন  
শিখিল বেরুনীহানর হিরহিরা মাতৌ



বাছেইতে বাছেইতে বাছেইতে বাছেইতে  
দগু লালয়া আরাক দগু আগত  
প্রহর লালয়া আরাক প্রহর আহানাত  
কাল মৃত্যুর আহিতম দলগিরা অইল  
প্রবালর রাঙা অটগিত রঙ নেয়ইল ।

লেঙইর কণার গভীরে  
মাওয়া গেলগা নূপুরর প্রতিধ্বনি ।

নূনটুকা পানির চুটিগই পুছে দিল  
এলকরেছিলু কুমারী সিরিশিগো ।

চঞ্চল ঢেউর খেলাত লেঙইর ঘর শৌগ জড়িল ।

এমারি ভুলবির ঘরে ভার কুনো সৃষ্টি নেই ।

সৌন্দর্যর প্রকাশ উহানউ সাহিত্যর উদ্দেশ্য  
নাগই, উপলক্ষ আহান । হ্যামলেটর ছবি উহান  
সৌন্দর্যর ছবিহান নাগই মান, আগর ছবি হান ;  
ওথেলোর অশান্তি উহান সৌন্দর্যহান নাগই, উহান  
মানর স্বভাব আহান ।  
কবিগুরু রবীন্দ্র নাথ ঠাকুর  
[মানব প্রকাশ]



# প্রিয় ধরিত্রী, প্রিয় মানুষ, প্রিয় কবিতা

## কবিতা

মূল — ছবি গুপ্তা

অনুবাদ — লিওলিসা যুগল

মৃষ্টি আহানাত দলা গোলাপ, মোর জরমর অধিকার  
আরাক মৃষ্টিত মেঘালা মিঙাল, পরলোকের পরোয়ানা।  
হাদিং প্রিয় ধরিত্রী, প্রিয় মানুষের পরশ বেয়া  
স্নায়ুর বেতার। দক্ষিণের বৌ বারো রঙিন বরণ  
অমরাপুরীর দৃশ্য, দৃষ্টীহানর সংস্কার, শব্দত শাতর ফুল  
এলার সম্ভার। অন্তরঙ্গ জ্ঞানহান কোনপেইত থইতু মাত ?

এবাকাত্তে ডরব বাকুদ বারো ধ্বংসর লো  
কিসাদে স্তম্ভ অযা থাইতু মাত ? কুণ্ডগদে আটিয়া যিতুগা  
পথে পথর ঠিকানা মাওকরতার। জটিল কইনা কইঠেক  
বারো পিছল লক্ষ্য পরানির নিরাম ডরহান।

প্রিয় মানুষ, এতা কিতা রাইচিল (অসহ্য) পথ এগন্ত  
দ্বি-দণ্ড নিস্তার দেই, মি বর্ণারঙ যিতৌগা  
তেইর কনাক মাতৌত নূপুরর রৌ অযা রহিমতা  
মি ঘাটহানরাং যিতৌগা, তেইর যবতী অহংকার উহানাত  
হিনা বেলামতা, মি বনহানরাং যিতৌগা, তেইর  
কঙালা বউহানাত লাবণ্য ছকইতউ। উম শব্দ দেই  
প্রিয় মানুষ, মি কবিতা অইং, পৃথিবী কবিতা,  
অক। মি পৃথিবীর নিরাময় অইতউ। পৃথিবী  
মোর নিরাময় অইতই, এসাদে মোরে জিতা অযা  
থানা দেই — হবা উহানরাঙ, স্তম্ভ উহানরাঙ  
উম বারো লুংশি হানাত, উহান অইলে মোর মরণ এ হা ন উ  
কবিতা. অইবতা।



# হরিনাম - কীর্তন — সম্পর্কে প্রবন্ধ

কালীপ্রসাদ সিংহ

আসামর পাথারকান্দি অঞ্চল বারো সমগ্র ত্রিপুরার বিষ্ণুপ্রিয়া মণিপুরী সমাজে বর্তমান হরিনাম-কীর্তন এখানে ডাঙর ফাম আহান অধিকার করেছে। প্রত্যেক অঞ্চলে হরিনাম-কীর্তনর একাধিক দল স্বেচ্ছাচলিত আছে; বারো সমাজর শ্রোতৃমণ্ডলীয়েউ এ হরিনাম-কীর্তন-শ্রবণেত্ত যথেষ্ট আনন্দ উপভোগ করতারা। আসামর কাছাড়, হাইলাকান্দি ইত্যাদি অঞ্চলে এ হরিনাম-কীর্তন এহানর প্রচলন নেই বুয়েউ চলের; হরিনাম-কীর্তনর স্থলে হিলুট বা বৈঠক-সঙ্কীর্তন এহানেই এতদঞ্চলে প্রচলিত আছে। অত্যাঁহ, পাথারকান্দি বারো ত্রিপুরা অঞ্চলেউ এ হরিনাম-কীর্তন এহান স্থান পেইলোতা মিয়াম দিন না'ছে — বড়জোর পনরো বছর, উতার আগে এতদঞ্চলেউ বৈঠক-সঙ্কীর্তন এহানেই প্রচলিত আছিল। আজিকার আলোচনাত আমি বর্তমানে চলিয়া আহের হরিনাম-কীর্তন এহান বিষ্ণুপ্রিয়া সমাজে কিতায়া আহিল, বারো এ হরিনাম-কীর্তন এহান সমাজর পক্ষে মঙ্গলজনক, না ক্ষতি-জনক — এ বিষয়ে আলোচনা আহানি করিক।

হরিনাম কীর্তন এহান 'ধর্মীয় দৃষ্টি'লো হাবি বৈষ্ণব-ধর্মীর আচরণীয়হান অ'ইলেউ, যেভাবে হরিনাম-কীর্তন চলের, এহান 'কৃষ্টির দৃষ্টি'লো সম্পূর্ণ রূপে বাঙালীরহান; এহান মণিপুরী কৃষ্টির অচহান নাগই। স্বীকার করানি লাগতই যে, কৃষ্টির বারাদে বাঙালী-সমাজেত্ত মণিপুরী-সমাজ বহুপ্তনে সমৃদ্ধ। মণিপুরী সমাজর রাস, কীর্তন, বাসক, খুগাক ঈস আরতি, রামায়ণ-গান ইত্যাদি সাংস্কৃতিক অনুষ্ঠানে এ কৃষ্টির সমৃদ্ধির সাক্ষ্য বহন করে; বাঙালী সমাজে এতার এক-দশমাংশো নেই। বাঙালীয়ে কোনো এলা না দিয়া ছদ্দা ঢাক-ঢোলর ইমে তাল আকহান বাজেয়া আরতি করতারা, অন্যদিকে আমি তানুর পদাবলীকারে ইকরেছি বাংলা এলা উতা দিয়া অথবা আমি তানুর বাংলালো এলা রচনা করিয়া ও এলা উতালো নানা তালে আরতি করিয়ার। বাঙালীয়ে



হুদা বাজানা বাজেয়া বিয়া দিতারা. আমি মধুর রাধাকৃষ্ণ-লীলাগী-  
তির মাধ্যমে বিবাহ-কর্ম অনুষ্ঠান করিয়ার। বাঙালীয়ে হুদা ময়  
সলকরিয়া বারো মাঘুরে ভোজ দিয়া শ্রাদ্ধকর্ম লমকরতারা. আমি  
উতার লগে রাধাকৃষ্ণ-লীলাগীতির যোজনা নাকরলে শ্রাদ্ধ কর্মহান  
বাকী থাইল বলিয়ার। বাঙালীকৃষ্টি বারো মনিপুরী কৃষ্টির ভিতরে  
এহান পার্থক্যহান। ভগবৎ-লীলাগীতি বা রাধাকৃষ্ণ-লীলা-গীতিয়েই  
মনিপুরী কৃষ্টির প্রাণহান, ও লীলাগীতির লগে নৃত্যবাদ্য থানা উহানো  
একপ্রকার আবশ্যিকহান। এ সমাজে বিবাহর সাদে আনন্দজনক  
উৎসবো অ'রতা নৃত্যবাদ্যযুক্ত লীলাগীতির মাধ্যমে, শ্রাদ্ধর সাদে  
দুঃখজনক অনুষ্ঠানো অ'রতা নৃত্যবাদ্যযুক্ত লীলাগীতির মাধ্যমে।  
অন্যদিকে বাঙালীকৃষ্টিত লীলাগীতি বা নৃত্যবাদ্যর স্থান নেই বুলেউ  
চলের। বাঙালীকৃষ্টিত লীলাগীতির স্থান আছেতা মাততে গেলেগা  
একমাত্র পদকীর্তনে। মনিপুরী সমাজে, বিশেষ করিয়া বিষ্ণুপ্রিয়া  
মনিপুরী সমাজে এ পদকীর্তন এহাহরে সর্বাত্মকরূপে গ্রহণ করেছিতাউ  
এহানাত লীলাগীতির প্রাধান্য আছে বুলিয়া। এসাদে কৃষ্ণলীলাগী-  
তির প্রাধান্য থানাই এ পদকীর্তন এহানে মনিপুরী কৃষ্টিরে নষ্ট নাক-  
বের, বরং এ কৃষ্টির সহায়তা করে। উহানে বাঙালীসমাজেও  
গ্রহণ করেছি এ পদাবলী-কীর্তনকে আমি অভিনন্দন জানেয়ার।

হরিনাম কীর্তন-প্রচলন-সম্পর্কে বিস্তৃত আমার যথেষ্ট চিন্তার  
কারণ আছে। বাঙালী কৃষ্টিতে ভগবৎলীলাগীতির কোনো স্থান নেই  
হাস্তে তালু ইমে সামকরে হরিনাম এহানলো হাবি কাম চালেই-  
তারাতা। অন্যবেদে মনিপুরী সমাজে আগে মাততে গেলাউগা উসাদে  
অসংখ্য সুমধুর কৃষ্ণলীলাগীতির প্রচলন আছে। ও লীলাগীতি উতা  
গেলেয়া হরিনামকীর্তন প্রবর্তন করানির বিন্দু আহানো যুক্তি নেই।  
তৎসত্ত্বেউ বিষ্ণুপ্রিয়াই হরিনাম-কীর্তন প্রবর্তন করাত যিতারাগাতা  
প্রধানতঃ কারণ ছহানলো। প্রথম কারণ সমগ্র বিষ্ণুপ্রিয়া সমাজর  
মানসিকতাহান এহান যে, আমার ভাষা, পুষাক, কৃষ্টি হাবিতাউ  
সাকতি, বারো বাঙালী এতার ভাষা, পুষাক কৃষ্টি হাবিতাউ হবা।

উহানে বাঙালীর ভাষা, পুষাক কৃষ্টি হাবিতা অনুকরণ করে পায়লে আমি নিজেরে ধন্য নিঙকরিয়রতা । এ মানসিকতার বশবর্তী অ'য়াই আমি বাঙালীর হরিনাম কীর্তন হান হবা পেয়া উহান অনুকরণ করাত যিয়ারগাতা । দ্বিতীয় কারণ, লীলাগীতি এতা হিকতে বারো মুখস্থ করতে অনেক সময় বারো পরিশ্রম লাগের; তন্তবেদে হরিনাম কীর্তন অতিকম পরিশ্রমে বারো অতি কম সময়ে হিকানি য়াকরের, উহানে আমি হরিনাম-কীর্তনের সংক্ষিপ্ত বা সাম পথ এগো বাছিয়া নেছিগাতা ।

এসাদে মানসিকতা এতা জাত এহানর আত্মবিশ্বাস; আত্মসচে-  
নতা বারো বিবেকর অভাবর উজ্জ্বল নিদর্শন । নিজর কৃষ্টির সাকতি  
উপাদান উতা বেলানি বা উতার সংস্কার সাধন করানি উহান  
অবশ্যই প্রগতিশীল মানসিকতার লক্ষণহান । কিন্তু নিজর হবা  
উতারে সাকতি বুলিয়া মানুর সাকতি উতারে হবা পানি উহান  
নীচ মানসিকতাহান । হরিনামর সাম পথ এগো পানাই আজিকালি  
কুনো কুনো ফামে আরতির এলা নাদিয়া হরিনামলো আরতি  
দিতারা, এমন কি রাস পেয়া হরিনামলো দিতারা । রাধাকৃষ্ণ  
লীলার সাদে সৃষ্টি বারো সুরুচিপূর্ণ কৃষ্টি এতারে এসাদে করে উড়া  
বেলেয়া হরিনামলো হাবিতা চালানি অ'করলে আমার এ সমৃদ্ধ  
লীলাগীতিময় কৃষ্টি এহান কালক্রমে ধ্বংস অ'ইতে বাধ্য । - এবং এ  
কৃষ্টি এহান ধ্বংস অ'নার অর্থহান অ'ইলতাই জাত এহানর মৃত্যু,  
কারণ আমার কৃষ্টিত রাস বারো কীর্তন এহানি বাদ দিয়া চেইতা,  
জাত এহানরতা নিজরতা বুলতে কিন্তাউ নেইতাহে । আমি পৃথি-  
বীর গজে পালয়া আছি তাউ এ রাসকীর্তনলো । উহানে, এ রাস-  
কীর্তনলো সমৃদ্ধ সংস্কৃতি এহানর সংরক্ষণরকা আমি হরিনাম-কীর্তন  
প্রচলনর বিরুদ্ধে তীব্র প্রতিবাদ জানেয়ার ।

নিরপেক্ষ বিবেচকর দৃষ্টিলো পৃথিবীর বিভিন্ন জাতর কৃষ্টির  
পর্যালোচনা করলে দেখতাঙাই যে, আমার কীর্তন, সঙ্কীর্তন,  
বাসক, বিশেষ করিয়া রাসর মাধুর্য্য এহান জগতে অতুলনীয়,



মানব জাতের অণু কোনো সমাজে এসাদে মাধুর্য্যপূর্ণ কৃষ্টি নেই। এ প্রসঙ্গে মোর ব্যক্তিগত মানসিকতা আহান প্রকাশ করানি মনেইলু: জাত এহানর অজ্ঞতা, অন্ধতা, বারো ঈশ্বা-ঘৃণা-অহংকারলো কলুষিত জবগ নীচ মানসিকতা এতা দেহিয়া বারো উতার সংশোধন করা ত যিতগা উল্টা আঘাত পানাই আ'কয়া অসংখ্যবার মি সমাজ এহান এরেদিয়া যানার পরিকল্পনা করেছিল, কিন্তু একমাত্র আমার এ রাস-কীর্তন-বাসকর অদম্য আকর্ষণে সমাজ এহান এরেদেনা ছুরারিরা আছুতা। আমার কৃষ্টির অমটিক সুন্দর উপাদান এতারে অনাদর করিয়া এ জাতের মানুষ এতাই অণু জাতের অসুন্দর বা নিম্নমানের বস্তু গ্রহণ করা ত যিতারাগা এহান দেখলে অন্তর এগো জলিয়া পুড়িয়া য়ারগা।

হরিনাম-কীর্তনের মি অসুন্দর নাবুলুরি, বিস্ত রাধাকৃষ্ণ-লীলা-গীতিত হরিনাম কীর্তন এহান যে অসংখ্যগুণে কম রুচিকর, উহানাত বিন্দু আহানো সন্দেহ নেই। মানুষ আগোর নাওহান বারে বারে উচ্চারণ করানিত পুরি মানুষ উগোর গুণগান করানিয়ে অসংখ্যগুণে আনন্দজনকহান — এহান হাবিয়ে হারপেইতারাহান। ঠিক উসাদে হুন্দা রাধাকৃষ্ণর নাওহানি উচ্চারণ করানিত পুরি তাহুর রূপ, অনু-রাগ, মিলন বিরহ ইত্যাদির বৈচিত্র্য উপভোগ করানিয়ে সহস্রগুণে আনন্দদায়কহান। আকবেদে হরিনাম-কীর্তন, বারো আত্মক আক-বেদে রাস-বাসক-কীর্তন ছনিয়া তুলনা করলে সহজে এহান অনুভব করতাঙাই। এ অবস্থাত লীলাগীতির পথগো এরা'দিয়া হরিনাম-কীর্তনের পথগো লনা এহান জাত এহানর বিচার-বুদ্ধি বারো অনুভূতির অভাবর লক্ষণহান।

অনেক ভক্ত গিরিগিথানীয়ে মাততাই যে, হরিনাম এহানর ভিতরে হাবি রস বারো ভাব আছে বুলিয়া শ্রীগৌরাজই কেবলমাত্র হরিনাম-জপের মাধ্যমে সাধন-ভজন করানিরকা শিক্ষা দিয়া গেছেগা; ও হরিনাম উহানরে এসাদে হরকাঙ করানি, বা উহানর বিরুদ্ধে

এসাদে মাতানি থকরতা ? উহানর উত্তরহান এহান : আমি হরিনাম-মরে ছুঁকাও নাকরিয়্যার; হরিনাম এহান যে শ্রীগৌরান্দর প্রদর্শিত সাধন-মার্গগো, উহানো আমি অস্বীকার নাকরিয়্যার। কিন্তু উতা অ'ইলতাই সাধন-মার্গর কথা; সাধন-ভজনে প্রবিষ্ট অ'য়া যেতাই হরিনামর রস আশ্বাদন করে পারতারা, উতাই হরিনামলো দিবানিশি মত্ত থাকা, তানুর বিরুদ্ধে আমি অক্ষর আগো নামাতিয়ার। আমি এপেই আলোচনা করিয়ারতা কৃষ্টি-সম্পর্কে — যেহান সমাজর সাধারণ মানুর বস্তুহান, যেহানে সাধারণ সামাজিক মানুর আনন্দ সঞ্চার করে — সুরুচির পুষ্টিসাধন করে। সাধন-ভজন বারো কৃষ্টি — এ দ্বিযোহানি অভিন্ন বস্তুহানি নাগই। ধ্যান-ধারণা এহান হাবি সাধনার মূলহান, উতা বুলিয়া মানু গুট আহানরে ধ্যানাসনে বহাদিয়া আমি দর্শক গুট আহানে চেয়া নাথায়্যার. বা উহানরে আমার কৃষ্টিহান বুলিয়া উহানর পরিপোষণ নাকরিয়্যার। অবশ্যই, 'হরিনাম-জপ' এহান সাধন-ভজনর অঙ্গগো অ'ইলেউ 'হরিনাম-কীর্তন'র সঙ্গী-তাংশ উহানরে আমি কৃষ্টির ভিতরে ধরে পারিয়্যার। কিন্তু লীলাগীতির ভিতরে অনুভূতির যে সুন্দরতম প্রকাশ বা আবেদন আহান আছে, উহানর তুলনাত হরিনাম-কীর্তনর সৌন্দর্য্য উহান অতি নগণ্য। এ অবস্থাত আমার বৈচিত্র্যময় লীলাগীতি বেলেয়া হরিনাম-কীর্তনর পথগো লনা উহান এ জাতর বিচার-বিবেচনা বারো আত্মসচেতনতার অভাবর নিদর্শনহান। মনে থইবাও - নিজর কৃষ্টিলো মূর তুলিয়া উবা অ'নি উহান আত্মসচেতন সমাজর লক্ষণহান, বারো নিজর চিরাচরিত কৃষ্টির কেন্দ্রবিন্দু বা মূল বীজ উগোরে যথাযথভাবে রক্ষা করিয়া নূতন নূতন সংযোজন বা সংশোধনলো সংস্কৃতি আহানরে সুন্দরতর করানি উহান প্রগতিশীল, বিবেকী বারো বৈজ্ঞানিক চিন্তাসম্পন্ন সমাজর লক্ষণহান। যে গিরিগিধানীয়ে হরিনাম-কীর্তনর দল হঙকরেছি, তানুরে অনুরোধ করিয়ারতা — নিজর সুন্দর কৃষ্টি বেলেয়া অনর্থক



অন্ধভাবে মানুর কৃষ্টির অমুকরণ করাত না যিযোগা: বরং তুমার  
পরিশ্রম বারো নিষ্ঠা উতালো আমার সুন্দর কৃষ্টি এহানরে সুন্দরতর  
করানির চেষ্টা কেরো : হরিনাম-কীর্তন কেরোরাই উসাদে বাশী,  
বেহালা, একতারা হারমোনিয়াম ইত্যাদি বাজযন্ত্র য়োকরিয়া  
আমার খুপাইছি. বাসক বারো সঙ্কীর্তনর ( হরিলুট ) দল হঙকরোতা  
চেইক, আমার কৃষ্টিহানর কতিহান উন্নতি অ'রতা, বারো আমার  
ভাবক-বৈকবে কতিহান আনন্দ উপভোগ করতারাতা । আশা করিয়ার  
হরিনাম গেইতারা গিরিগিথানীয়ে যথাযথভাবে বিচার করিয়া আমার  
পরামর্শ এহান ল'দিতাই, এবং সমাজর ভাবক-বৈকব বারো চিন্তাশীল  
সমাজপ্রেমিক গিরিগিথানীয়েউ তানুরে নিজস্ব সংস্কৃতি-দল হঙকরা-  
নিরকা উৎসাহ দিতাই ।

—:—

# তিনযুগ অমর অনির জ্বালা ফাগিফারাং

প্রিয়বন্ত সিংহ

অমর বর পানা বুলিল এহান সাদেহানতে নাগইকো। যোগী-  
ঋষি মুনিঋষি হিনচাপা মোর তপসা করিয়া ব্রহ্মারাংত আদায়  
করেছিল। অশ্বথামাতে ইলেইলেইকরে পা বেলল বাপক দ্রোণা-  
চার্যারাংত। হৌদিন দিনেতে বাপক এগই পুতকর হারকা বুলিয়া  
বরহানতে দিয়া বেলল। আজি ঘুর কলিত আয়া পুতক অইল  
দশাহান না খালকরেছিল। অমর অনাতে দূরে থাক কোনবাকা  
কিতা মরতউতা বুলিয়া বাসদেবেরে বরহান আলথক করানিকা বিছারা  
বিছারা পৃথিবীএহানর চারিয়বারাদে রকেটগর সাদানে বুলের। অশ্ব-  
থামা মরানি মনারতা কিয়া? অউরে-কুরুক্ষেত্র লালফামে পঞ্চপাণ্ড-  
বর পাচগ শৌ অশ্বথামায় মারেহে বেলল— মালক দ্রৌপদী  
পাণ্ডলিগর সাদানে বিলাপ করে করে ভীমরাং গেলিগা। অশ্বথামা  
জি-গত আতহান দিল। যে গিথানকগর চুলগত ধরেছিল বুলিয়া  
হুঃশাসনর রকতল চুলগ বাধতউ বুলিয়া সেতা করিয়া মাটিত সেচা-  
রল চুলকাতা এড়াদিয়া থা পারলী। এতাপারা কুরুক্ষেত্র লালফাম  
এহান অইল তাউ তেইরাঙত। হারপা হারপা অশ্বথামায় তার দশা-  
হান তা ডাহিয়া আনল। জিপুত মারল উগরে দ্রৌপদীয়ে এড়েদি-  
তইতা? কারিহান ধরিয়া থাইলি অশ্বথামার মুরগর মণিগ নমনলে  
মোর বুকগর জি-গ না ককইতই। লঙলেইগর সাদানে ভীম ছুটিল  
অশ্বথামারে তালকরিয়া। ভামর আতেত্ত জিংতা অউরি বুলিয়া  
অশ্বথামায় বর্মঅঙ্গ এড়া দিল— লগে লগে অর্জুনেও ব্রহ্মঅঙ্গ  
এড়া দিল। অঙ্গই-অঙ্গই পৃথিবীহান থক থক নিক্করের। হারপেউল  
ব্যাসদেব লয়অনিত পড়িল। অশ্বথামারে গিয়া মাতলগা হবায়  
হবায় মণিগ কাপিয়া দিয়াদে নাইলে ভীমর আতে লিত নাইলে।  
অশ্বথামা নিরুপায় অইয়া তালুহানাত্ত মণিগ কাপিয়া দিল।  
কাপা তালু উহানর যন্ত্রণায় ধরফর করে উহান দেহিয়া ব্যাসদেব



গিরক জারে হুরারিয়া বরহান দিল। অশ্বখামা হিন নাপেই— যি  
 বর দিউরী দাপর, কলি চারো মোর কলি এ তিনযুগর যত মনিষা  
 এতাই— মুরে খৌ দেনার আগে অশ্বখামা, অশ্বখামা, অশ্বখামা  
 বুলিয়া তোর নাঙে তিনফুটা খৌ— মাটিত দিতাই। অউ খৌ উতাই  
 তোর মুরগর আলাহান কক্করতাই। নাত্তাই উগরতা ব্রহ্মহত্যার  
 পাপে নরকে পতন। ব্যাসদেবর বরহান অকরে অকরে ফলিল।  
 অশ্বখামা দাপর, কলিযুগ বুঙেই অয়া পার অইয়া গেলগা মুরকলিত  
 আয়া অশ্বখামা মহাকাপরে পড়িল। মুরকলির মানুরমা দ্বি-ধফা  
 পেইল। ব্যাসদেবর শাপমুর ডরে তিনফুটা দেকুরা দফাআহান—  
 বারো মুরে সুপও ফুটাগো খৌ নাত্তারা দফাআহান। কমিশনার  
 শাম্প, হেলো, মানসিক ক্লিনিক ইত্যাদি ইত্যাদি — কততাই মুরে-  
 দিয়া ফাউ ফাউ করিয়া আটতারা। এতার পাল্লাত পড়ের অউ  
 পেইত অশ্বখামার কাপা তালু উহান তেক্ তেক্ করিয়া সেপটিকেদে  
 বুলন দের। বিরবেদানায় একেবারে ককাড়াগ অইয়া হিমালয়গর  
 কুগ আগদে পড়িয়া থাইলকো পুরি রৌ মেলিয়া মাতের এসাদে  
 জ্বিতা অয়া থায়াতে কিতা করতু। কুঙঝাকা কিতা মুখকলি এহান  
 লম-অইতইতা। বারো হেরো খৌ দেকুরা দকাউহানারতাউ কম  
 লাইলকেন' পারতা নাগই আজিকালি ঘর আগত বারগমানু থাইলে  
 বারজাত খৌ গহতারা তা থকয়া আগই আর্গিকা তিনফুটা দিলে  
 আরাক আগই মধ্যম নারায়ণ তিনফুটা আরাক আগই জাবরাণ্ডি,  
 ককোনটি, বা নাইগে ভুঙ্গরাজ কালসারাইডিন, কায়োকার্গিন কিতা  
 পারা সুগ নাইলেউ-খাটি সরিষা-খৌ তিনফুটা। উহানাতে অশ্বখা-  
 মার মুরগত— জাতজাতর খৌরগত তিলয়া সুমটীরা গং. হুকুলানি  
 অকরল। জারে হুরারিয়া অশ্বখামা এগ ব্যাসদেবরে বিছারানি  
 অকরল। না লাগের মোরতা তিনযুগ অমর অনির। পেলইলু এবা-  
 কাতে মোরে বরএহান আল করে দিয়া উদ্ধার করে দেরে। স্বর্গ  
 মর্ত্য পাতাল বুলিয়া থারগ থকয়া যেবেদে যারগা উগদে সুমটীরা



গংএহান গঙালার। স্বর্গত গেলেগা দৌ-লিশিং দৌলাশা লুকেয়া  
 লুকেয়া ধাবদিভারা। পাতালে গেলেগা অশুরহাবি তালকরিয়া  
 আহিতারা মর্ত্য আইলে মর্তরমাছু নাকডিফেয়া দূরেইত্ত পথগ  
 এড়েদিয়া মাইল আহান দূরেইত্ত সেচিয়া যিতারাগা। অশ্বখামার  
 গতি এহান খালকরলে অমরবর তালকরানির হাদা নেই— ইমে  
 ত্রিতাপে পেয়া তেল্লাম মানবজনম এহানাত উদ্ধার অনায়বালা।

★ - ★



## বদন সিংহর 'আশায় আশায়'

গোপীকান্ত সিংহ

অধ্যাপক, শিলচর কলেজ, সিংগারী

সাহিত্যর পয়লাকার স্তরহান যেসাদে কাব্য বদলিয়ার ঠিক অউসাদে সমালোচনাৰে শেষ স্তরহান বদলিয়া মাতানি পাৰিয়ার। যত নমুন্যৰ সাহিত্য সৃষ্টি এদ্বিয়হানিৰ ভিতৰেই পৱেৰ। কবিতাৰ উৎস যেসাদে ভাব; সমালোচনাৰ উৎস চিন্তা। কাব্য লিখানিৰকা বা সমালোচনাৰকা রসৰ জ্ঞান ছন্দৰ জ্ঞান থানা থক ঠিক অউসাদে সাহিত্যৰ আৰ আৰ সৃষ্টিৰে সমালোচনাৰকাউ নিয়মখানি আছে যেতা হাৰপানি থক যদিউ আজিপেয়া পৰ্যাপ্ত কুনো সংখ্যা দেনা নাহে। "ছোট গল্প" মানে ব্যতিক্রমৰ মদহত আহান, চুড়ান্তৰ মদহত আহান বাৰো বিশ্লেষণৰ মদহত আহান" (সামার সেট মোম)। দ্বিতীয়তঃ হোটগল্পত নিজস্ব সমাবেশ (Plot) আহান থানা থক। তৃতীয়তঃ হুৰুৱাৱিৰমা ধাৱণাৰ ঐক্যতা (Unity of impression) বাৰো একনিষ্ঠ উদ্দেশ্য (Significance of purpose) থানা লাগতই (ইগাৰ এ্যালেন পো)। অৰ্থাৎ যেকুনো সমালোচনা অইলেতে কিতাইল—সমালোচনা অইলতাই হাবিত জটিল বাৰো বিতৰ্কমূলক ব্যাপাৰহান। কাব্যৰমা যেসাদে কাব্যকাৰ বাৰো সমালোচকৰমা ভাবৰ এৰফেৰ অৱ। কুনো কুনো সময় না অনাউ পাৱেৰ। বা কাব্য আহানৰ গজে বিভিন্ন সমালোচকৰ ভাবৰ তফাৎ অনাউ পাৱেৰ ঠিক অউসাদে হুৰুৱাৱিঅউ অনেকাংশে পৰিলক্ষিত অইয়া অউনা। সমালোচনাৰ জটিলতাহান এহানেই যে তাৰ প্ৰসঙ্গৰ কুনো পৰিসীমানেই। অৰ্থাৎ বস্তুজগত আত্মজগত তথা কল্পনাৰজগতৰ যেকুনো ব্যাপাৰ আহানেই



প্রসঙ্গগো অনা পারের। কম সময়ে কম লিখারমা প্রসঙ্গগোর চরিত্র  
ফুটেয়া তুলানির চেষ্টা উহানেই ছোটগল্পর বৈশিষ্ট্যহান।

বারো গল্পকার আগো তার গল্প কিসাদে ভঙ্গি কায়দালো  
লিখের বা তার গল্পরমা সাধারণ রূপহান বলতারা উহান  
কিহান—কতহান গল্প পাকরলেগাহে ধরানি পারিয়ারতা নাই;  
কিন্তু 'বদন সিংহ' গিরকর আশায় আশায় পাকরিয়া গিরকর  
গল্পহানর সমালোচনা করানিত সমস্যা আহানর মৃদুগম্ভীর পইলাই  
অম্মারহানেই গিরকর অন্যান্য কোনো গল্প কোনোপেইত নাপানিয়ে  
গিরকে ঠিক কি ভাবলো লিখানি মনার অউহান ধরানি খানি ওরাই  
ছিল অর। চেইক গিরকে গল্পহানরে জীবন্ত রূপ দেনা পারেছে  
কিনা!—

গল্পহানর অকরাগোরমাই লেখক গিরকে পাঠকর মনে  
অনথকপা আশঙ্কা আহান আনেদেছে— যেহান আগে কিহান  
আহেহান হারপানির কৌতুহল আহান নিরাম হবারে জাগাদের।  
কিন্তু পাকরিয়া যাউরিখামাহেই নাপাউরি। এমনোভাবে কোনো  
রহস্যআহান অপ্কাশিত করিয়া থদেছে হারপানি মৃদুকিল। পাঠক-  
আগোরে কারনেউ বা অকারনেউ কৌতুহল জাগা পারানি লেখক  
আগোর সফলতার দিকআহান।

গল্পকার গিরকর ডাঙর সফলতা আহান অইলতায় সমাজর  
কলাকৃষ্টি জিওতা করিয়া থনারকা গিরিরাজ খুড়ারে উপস্থাপন  
করোয়াণিত। গিরকর লেখাত কৃষ্টিবিবেকর ইঙ্গিত আগো পেয়ার।  
তার লগে মূর্খেইন্দু খুড়ীরে যদিও গ্রাম্য জীবনর হেয়া আগোত  
থছে অইলেরগাউ বর্তমান সংকটময় দুনিয়াহানর হাবি সমস্যার দিকে  
সচেতনা বেরাপা আগোর রূপ দেওয়া পারেছে। যেমন তোর এ বিদ্যা  
এহানলো সংসার চলেরতা? এ বিদ্যাএহান কলকরিয়া থাইলেতে শৌগোর  
জীবনহান সর্বনাশ অইত ই”। — হায়হান! আজিকার জীবনে



আমার মান্দ্র আগোয় আমার কলাকৃষ্টিলো সুস্থভাবে সংসার করানি ন্দ্রারের । ম্দ্রেইন্দ্র খুড়ীরে আর আর মান্দ্র ডেকি প্দতকরেউ শিক্ষিত আগো করিয়া ডাঙর মান্দ্র আগো হওকরানির আশাআহান গিরকর “আশায় আশায়” পেয়ার । যেগোয় কৃষ্টির প্রতিনিধিহ করের উগোর কুনো দাম নেই, বারো কৃষ্টির লগে যেতার সম্পর্ক নেই অউতারেতে দাম মাছি দিতারা । যেমন ম্দ্রেইন্দ্র খুড়ীয়ে মার্তিরিতা — “শ্রাম্ধ আকেইহানাত হাজার হাজার রূপা খরচ করিয়া তান্দ্র নাঙ কামেইতারা কিন্তু ...” — এ রূপএহানলো গলপকার গিরকে সমাজর কলাকৃষ্টি সমস্যার বাস্তব চিত্রগো তুলিয়া ধরেদেছে ব্দলিয়া মনে অর ।

এপেইত ম্দ্রেইন্দ্র খুড়ীরে সচেতনা বেয়াপাআগো ব্দললে প্রশ্ন আহান উদ্ভব অপারের । গিথানকর সচেতনতা আর্থ সামাজিক দিকলো বিচার করানি না কৃষ্টি-বিবেকর দিকলো বিচার করানি ! আর্থ সামাজিক দিকলো বিচার করলে খুড়ীরে সাধারণ পর্যায়ে বেলানি পারিয়ার— কারণ গিথানক সত্যিকারে সমাজর কৃষ্টি-প্রেমিকাগো অইলইছতে শৌগোরে পড়াশুনা করুয়ানির লগে লগে সমাজর কৃষ্টিহানর বারাদেউ খিয়াল থইলইছ । নিজর কৃষ্টি যতউ হবা নাক বা যতউ সমস্যা বহুল অক সচেতন মান্দ্র আগোই উহানরে হৃদিগো দিয়া বানা পানা লাগতই ।

কৃষ্টি প্রিয়তার দিকলো বিচার করলে গিথানকরে সচে-  
তন ব্দলিয়া মাতানি ওরাইচিলঅর । কারণ কৃষ্টির প্রতি বিরূপ  
ভাব আহানর প্রকাশ পার । উহান ছাড়াও আরাক আহান  
আমি খিয়াল করলে পেয়ার জিনিষহান অইলতায় “সচেতন মান্দ্র  
সংস্কারভাবাপন্ন অয়া অউনা ।” তারো ম্দ্রেইন্দ্র খুড়ীয়ে নিজর  
কৃষ্টিরে জিঙতা করতে গিয়া আর্থিক অসচ্ছলতার যে দিকহান  
তুলিয়া ধরেছে উহানরে সংস্কার করানির চিন্তা নেনা পারোইছিল ।  
— এহানেতে এবাকা বদন সিংহ গিরকর “আশায় আশায়” গল্প-



রমা আসল চরিগ্রহান বুলিয়া আখ্যা দেনাত সমস্যাআহান দেহাদের । মুরেইনু খুড়ী না গিরিরাজ খুড়া, যোগেই নাকি কৃষ্টিহানরে জিঙতা করানির কা উঠিয়া পরিয়া লাগেছিল ।

আরাক কথা আহান অইলতাই মুরেইনু খুড়িয়ে কিয়া দ্বার্থপর জমিদার দেহরক মণিরাজরাও শোগোরে চাকরে দেনাত লেপইলিতা । গল্পকার গিরকে গিরকর গল্পত এমন কুনো কারণ দর্শানি নুরারেছে — কিয়াকা বেরু মানুরাও নাদিয়া দেহরকরাওই দেনাত লেপইলিতা আত্মমর্ষাদায় পরিপূর্ণ খুড়ীয়ে শেষপর্যন্ত খানিকপারাত মর্ষাদা বারো ব্যক্তিত্ব বিসর্জন দেছে । বারো শোগোরে মানুগো করানির আকাংখারে পুরা করানি মনেইলেতে মোহিসেনা মাষ্টারর তথা অন্যান্য মানুর সহায়রে সাদরে গ্রহণ করুরানি পারেছিলনায় ।

হায়হান পাঠক আগো হিসাবে গিরকর ছোটগল্প এহানর বিষাদময় দিকউহানরেউ অম্বীকার করানি নুরারতাঙাই । গিরকে আপ্রান চেষ্টা করেছে যারিহানরে করুনত করুনতর করানির । গল্পহানর শেষ অউহান ফুটিয়া না উঠেছে । সংলাপল ফুটানির চেষ্টা করেছে যেমন — যেকাকা ইমা মুরেইনুয়ে পুতকরে দেহরকরাও সালকরানির প্রাক মূহুতে “তোর কাকা গাছিরে হারৌ করানির চেষ্টা করিছ ।” বুলিয়া আহির পানি বেলেইরি সময়উহানাত মনিগোই মালকর আহিথম পুছিয়া — “হায়দে ইমা, তি না কাদি, মি কাকারে হারৌ করিয়া লেইরিক পাকরতৌ । ডাঙর অয়া চাকুরি করিয়া তরে নুঙেই করিয়া থইতউ ।” যামপারা করুণ দৃশ্যহান ; কিন্তু সবেমাত্র চতুর্থত কাইল শোআগোয় উসাদে মাতানি পারতয় বুলিয়া মোর মনে নার । - অইতউ পারে । — কিন্তু মণিগোরে এপেইত যে নমুনাহানলো তুলিয়া ধরেছে যেহানে যারিহানরে জীবন্ত রূপ দিতেগা খানি হিনপাছে । এপেইত সংলাপর লগে লগে লেখকগর নিজস্ব ভাব হানল মালক পুতকর বিচ্ছেদ বারো তানুর দৃশ্য রূপ উহান ফুটেয়া তুলানি থকছিল ।



ঠিক অউ সমস্যা মালক মুরেইনুদর কথাতৌ পাপারিয়ার—  
 “না বাবা, মোরকা তি চিন্তা নাকরি। তি ডাঙর অয়া বিদ্যা  
 তালকরিয়া..... চেষ্টা অউহান করিছ”। বারো থাঙনাত মাতেছে—  
 “যেতার জীবন দুঃখে গড়া, অউতাই কুনোদিনও হারোর হপন  
 দেহে নুন্নরতার। আমার সাদে নেই লেইরাপার জিপুত যেতারতা  
 স্কুলে জানারউ কুনো সামর্থ নেই অউতার। মাভাষাতে থাক্  
 কুনো ভাষায়উ লেইরিক পাকরানির সুযোগ নেই”। —মুরেইনুদ  
 খুড়ীর এ কথা এহানিয়ে তেইরে চেতনাশীল বেয়াপা আগো করে  
 স্থাপনে আরাকৌ সহায় করেছে। কিন্তু বেবাকা অশিক্ষীতা বারো  
 গাওয়া বেয়াপা আগোই এ ধরণর উচ্চ পর্যায়র শব্দ ব্যবহার  
 করিয়া টটরেইরি উবাকাই য়ারিহানর মৌলিকতা বিকৃতি অর বদলিয়া  
 নিঙকরোরি।

বারো, মোহিসেনা মাষ্টাররে পেইরাক করে আনিয়া কুনো  
 ভূমিকাই নাদিয়া নিরব দশী আগো করে রূপ দেনায় গল্পকার গির-  
 কর উদ্দেশ্যহান কিহান ধরানি ওরাইচিল অর। এপেইত মাষ্টার  
 আগো নাবুলিয়া সাধারণ চেতনাশীল যুবক আগরেউ আনানি  
 পারিছিল — নতুবা মোহিসেনারে আদর্শ চরিত্র আহানর রূপ দেনা-  
 রকা শৌউগোর প্রতি যথাসাধ্য আর্থিক সহানুভূতিলো মুরেইনুদ  
 খুড়ীর আশা-আকাংখারে সাকার করোরানী পারিছিল।

অইলেরগাউ, এহান সইনেই মাতানি পারিয়ার যে গল্পকার  
 গিরকর “আশায় আশায়” মুরেইনুদ খুড়ীরে আদর্শ বারো  
 বলিষ্ঠ চরিত্র আহানর রূপ দেনাত নিয়ামপারা প্রচেষ্টা করানি  
 আছে, কিন্তু হাবিদিক খিয়াল করলে হারপেয়ার যে ততহান সফল  
 অনা নুন্নরারেছে যতহান চাছে। য়ারিহান পাকরলে হারপেয়ার যে  
 মুরেইনুদ খুড়ীরেই মূখ্য চরিত্রহান হিসাবে উবা করানি মনাছে  
 কিন্তু প্রশ্নহান আহের হান অইলতাই অউ মূখ্য চরিত্র উহানরে  
 আদর্শ চরিত্রহান হিসাবে আনানি পারেছে কিনা! আদর্শ চরিত্র-



হান অইলেতে কৃষ্টির দিকে অবহেলা কিয়া ? কিন্তু স্মৃতিকুমার সিংহ গিরকর 'জনগণমন'রে সমালোচনা করতেগা গিয়া নিশিকান্ত সিংহ গিরকে মাতেছে যে— “অদেশ' চরিত্রর সাহিত্য সৃষ্টি নাইলে সমালোচনা কিসাদে অইতইতা ? ” — মিউ গিরকর লগে একমত ; বারো, অউ দিকলো বদন সিংহ গিরকর গল্পহান আংশিক সফলতা লাভ করেছে ।

সম্পূর্ণ গল্পহান পাকরানির পিছে গিরকর 'আশায় আশায়' আশা বারো নিরাশা দ্বয়হানি মিশ্রিত ভাবে পেয়ার । দেহরকরাও শৌগো মান্দুগো করানির আশা পাছিল যদিউ মোহিসেনা মাস্টাররে এমন ভাবে পিঠিত বেলেরা ঘিরিগা যেহান নিরাশার লক্ষণহান । কিন্তু আশা বারো নিরাশা আকপেইত তিল করানিয়ে নির্ধারণ করানি হিনইল গল্পকার আশাবাদীগো (optimist) না নিরাশাবাদীগো (pessimist) ।





# সাড়ে তিন আত হপন

গল্প

স্মৃতি কুমার সিংহ

( এক )

বদনে ডুইংরুমগত হমেয়া নন্দেশ্বররে হমা দেনারকা নঙিল । নন্দেশ্বরও হমাহান লনারকা মুঙেদে নঙতে, তা বহেছে মান্দাতা আমলর গল্লার চিয়ার অউহান পড়্‌ডক্ করে মুজুরণ আহান দিল । ‘কৃক কৃক । অবায় বদননা কিতা!’ নন্দেশ্বরে বদনরে বাতর বারালো আবেয়া মাঠিয়া আহান দিল । বদনর গারিগত্ত রাতাছড়া গাঙর গতহান বঙকরে নিকুলিয়া কুঠাগ গঙালল । ‘হার খুড়া, গারিগতে অদা কিমে ?’

‘আছুনাই কুনোরকম । তুমিতে কিমে কিমে—’

ইমে খুড়ার পরাদে টেইপাঙ দেখলাংতানাই । হান্তে, আইব হরি উথানর দিনে ঘর অঙনি বুলিয়া মনাছি হান্তে, খুড়ার জাঙর ধূলিখানি— বুলিয়া বদনে মাতিয়া না খামছে নন্দেশ্বরর বুকগ ডুক্‌ডুক্‌ডুক, আঠইপা ফাল দিল । বিঙর বারার আতহান কিঙয়া বুকগত ফৌঅইলগা । বাতরবারা পাঞ্জাবীহানর জেপগত ট্যাবলেটগ ধরলগা । আহিথম জিপেয়া তাম্ব বারো পিঠিয়েদে গাইল । গল্লার চিয়ারহান পড়্‌ডক্ করিয়া বারো মুজুরণ দিয়া থিতইল । না এরিল । ইমে ডুকডুকেইলতাছাং । সুলেদেহে ডরপেইলতা । ট্যাবলেটগ এরে দিল । তেলুরেত্ত আহানির পিছে মনে মনে বদনরে বাছেয়া আছেগ । ভিটাগত তা নুরা ঘর আগতুলার পৌ এহান মানু মানুরাংতো হুনেছে । কিসাদে করলতা, পরামর্শ আহানও নাকরল । রুশিক্টহানি ইমে পড়িয়া আছে । নিলেগা হয়তো— ‘খুড়া গারিগতে—’

‘হার আকখুরুম স্ট্রীক অয়া গেলগা হান্তে ইমে ডরনাই । হান্তে,



থাইল । এ লেইরা ঘরে চারিবেদে মাটির বৈরাগী রঙছাড়া অন্য  
কুনো রঙর পরিবর্তন সারা বছরে নেয়ছিল। হুদা অউরে কুতির  
হাল অউহানাত ছাড়া । আকুপীয়ে দিনরাতি মানুর কুতি বুনল ।  
হালহান কেনতুকহানর সাদানে সারাবছর হপনিয়া অয়া থাইল ।  
দ্বিভিন দিন পিছে পিছে নুবানরা রঙ । মালক কুতি বুনাত বহিলে  
হাবিবতা পাহুরিয়া নন্দেশ্বর কাদাত বয়া চেয়া থাইল । নানান  
রঙর লুরি নানর হাদিয়েদে লাংচোক এগ এবোদেত্ত হৌবেদে দাবদের  
এহান সেইক্ষাৎ ইল্লর রথহান । লাংচোকগ সকইলে গালি সৈনেই  
বপিয়া ইমে চেয়া থাইল । চেইতে চেইতে মালকর কাকালিহান  
কলকরিয়া ডিগল ঘুম । ঘুমর হাদিত তুপসাম ইল্লপুরী ।

দৌবার পরে উদালহানর কাদাত মধুরলো উটিয়া আকুপীসেনাই  
কাপকর গটা বলে বলে কুলা আহানাত এরে দিল অউপেইত মনে  
অইল বিশ্বস্তহমাওগ তানুন এ দিচালি ঘর এগুলির তলে আতুরি-  
হেজিত গড়াগড়ি বার তার বিজ্ঞানর লেরিকহানাত আছে গ্রহ  
তেরা এতাও তার ইমাই আতদ্বিয়োহানিলো বলে বলে এমাদে  
হংকরেছেতা নাকিতা ! খালকরেছিল লুওপাও নন্দেশ্বর ।

তা দশমশ্রেণীত কাইল বছর অউহান বৈশাখর বারয়া তেরয়ার  
লংলেই আগই গাও এহান ছিহুবিহু করেছিল । নন্দেশ্বর গাছির নপ  
ঘরগর চালহান পইলাকার চুটগত উড়েয়া নিলগা । পিছেকার থাকাত  
ঘরগা চানাপ্লা চেপালা অইল । খাঙলালহানর বাহা গজে পড়িয়া  
বেহুশ অইলী মালকরেলো বাগা বেড়র হাদি ফারিয়া তা কিসাদে  
জুরাত নিকুলেছিল ওহান নিংশিও অইলে এবাকাও গারিরম উবা  
অর । পুরা মাহা আহান হ.দালা টঙ্গিত গুরুমইষর হাদিত থানাত  
পড়েছিল । মাতাঘালা যৌবনে পারাদেছে নন্দেশ্বর হিনরে হিন  
নাগনিয়া আউরর শনউনিঙ শন আনিয়া গাঙর মাঘুর পাংলাকে  
মাহা আহানাত ঘরগ উবা করেছিল । মুরগ ফাটিয়া কামে আছিলী  
মালকরে মাঠিয়া মাঠিয়া আকদিন তা মাতেছিল, 'ইমা, হিন নাপেই ।  
আরাক দ্বিআকবছর না । মিচাকুরিত হমেয়া যুতকরে দলান আগ



দিয়া বৌরাজার দাত না বাগেদিলেতে, চেইছ। বৌরাজার দাত বাগে-  
কুরা, ছনরগ ডাঙর পুতক এগর কথা এহান মানুরং খলকে খলকে  
য়ারি দিয়া পিছ এহান পেলোছিল মালক আকুপী।

হুতুমও বছর বুলনে চাকুরি আহান পেইল নন্দেশ্বর। গৃহ নির্মাণ  
বিভাগে, রুশ্রিট সেকশনে। নিকা ঘরো জিলাগত আনাযানা  
করের। চেইতে চেইতে ভিটাগর লগে বি কতোকিয়ারও সামইল।  
গাঙর মালঠেপর চন্দাত দলগর লগে তার নাংহানও যোঅনি  
অকরল। মালকও মুড়ি কাপক বেছানি বাদদিয়া ছনার সেনারিক  
আকডাল পিদিয়া মালঠেপে ইমা ইন্দলর ফালুত বয়া ডাঙর অয়া  
কুমেই চানা পারল।

মাতাম্বালা ভারত স্বাধীন অইল হাকতাকহান। চারিও বারাদে  
কর্মযজ্ঞ চলেছে। তা পইলা পইলা রুশ্রিটর কিতাও না হারপেইল।  
কিন্তু পিছ তার ছাপা রুশ্রিট চেয়া চেয়া যেকা ঘরর পিছে  
ঘর হুইল, অউবাকা ফাউণ্ডেশন প্লিন্স লিটন, হাবি হাতে হাতে  
হারপেইল। কলট্রাকশন সাইটে কামর তদারকিও পারল। তাও  
নক্সা হংকরানি পারল। কিথিকুরুম অয়া আকদিন তাও নিজর ঘরর  
নক্সা আহান হাকিয়া রুশ্রিট মেশিনহানাত দিল। মেশিনহানাত  
যেকা প্রিট কপিহান নিকুলিল তা ইম্পানি অয়া নীলুরা চেহা-  
নাদে চেয়া থাইল— একাকা ডিম দিল মালক হরালি পাতিয়াগর  
সাদানে। তার হপনহান আতহানাত লয়া মিঙালহানাত মাল-  
কদিয়া তা বিভোর অইল। আতর আঙলিগি বেহর অয়া বুকর  
চুল সেচেয়া ফলফল ফালদের ছদিগ সকনি মনেইল।

হারো হারো অয়া আকদিন তা হংকরেছে ঘরগর নক্সাহান  
মালকরে বুনানিত গই লাগিল। 'এরে ইমা এগ চাকশাঙগ, এপেই  
ইমার কুঠাগ বারো এপেই মোরগ। হমুকে ডাঙর কুঠাগ।

'এতা হাবি কুঠাতে কিতারতা?' তেইর কথা হপনে বুরেছে  
নন্দেশ্বরর কামে নাও ফোঁঅইলগা। 'বারো ইমা চাতা, বারগগ



এমাপাত দিলে অইবতা ?

‘কুণ্ডবারা মুণ্ডবারা বাবা মিতে উপ হুয়ারল।

‘এবারা উত্তর ঔবারা দক্ষিণ। অউতাইলে বাতরবারা পূর্ব, বিত্তরবারা পশ্চিম।’ আকুপীসেনাই নীলুরা নকসা এহান আকফির বারো রাসর ভজ্জিহানর সাদানে আত লরা লরা মানচিত্রর দিক বুঝতে লাগেছে পুতকরে আকফির চেয়া ঘরগর দিকদিশা আকতাও উপ হুয়ারিয়া বারো নীলুরা নক্সাহানাদে। আহি বিদেইল। এহানতে হারপেইল পুতক বাবুগ অইল মাহিতে তেইর এ লেইরা ভিটা এগুলিত দলানগ সৈনেই মৃতী পালইতই। পুতকর আহিখমেত তেইর যারি আহিখমেও এমোনিয়ার রঙহান কলকো কল নিল।

আরাক আকদিন বারো অফিসেত্ত আয়াও নন্দেশ্বরে মালবরে মাতল, ইমা নক্সাহান খানি তঙাল অইল। আমার অভারনিয়ার-গই চেয়া খানি আহান চুম করে দিল। এহানে হবা অইল নাগইতা ? ‘আকুপী হুবা নক্সাহানাদে নাচেয়া পুতকর বাবু বাবু মেইথঙেদে চেয়া মুকসি আহান দিল।

‘ইমা এবদে চা বেনাই।’ আকুপী বারো নক্সাহানাত মনো-যোগ দিল। ‘ঘরগ হংকরিয়ার বুললেতে ইমা খালকরিয়া চেইলুতা বাবার সেবার ফাম উহানাত শ্মশানমন্দির আগও হংকরে বেলানিয়ে থক। উহানে এরে এমাপাত শ্মশান মন্দিরগ য়ে করলুতা।’ বাপকর সেবার ফামহান আঙুলি বিদেয়া নন্দেশ্বরে দেহুরা দিলতাই আকুপীসেনারতা নক্সাহানর মুণ্ড পিঠি হাবি শা শা করে মেয়েক শেঙইল। হেইনৌর ফুটিহানির সাদানে তেইর আহির পাতাহানি মিকুপহানাত তিঙল। হক আগ পাহুরানির পাতালপুরীত বুকক সৌকরিয়া বাহিয়া আহিল। তেই আর ধরে হুয়ারিয়া হক চেলয়া চুট আহান কাদল। নন্দেশ্বরও আহিখম পুছিয়া গাটর পারেদে গেলগা।

কর্তাদিন পিছে পিছে নন্দেশ্বর ঘরর নক্সাহান তঙাল অইতে থাইল।



নূরা নূরা রু প্রিন্ট এ ঘরগ বুজানি অকরল। নন্দেশ্বর এ নিলুবা  
চে এতার প্রেমে পড়িল। তা বেলাদের প্রিন্টের কপি অউতা পুলক-  
রিয়া আকুপীয়ে মাংকলর হালহানর দ্বয়বারার ফাকালহানিত আঠালো  
নাপকরে দিল - ফেংচিয়ে হালহান না তিঙবতা বুলিয়া। ঘর এগত  
হপন যে কুমাড়াজারর সাদাণে দিনাধিন বাডের এহান হুন্দা এরে।  
মালকপদুতকর আহিথমেদে নাগই এবাকাতে ঘরগদে মিলেও আহান  
দিলেই মাতানি য়াকরের।

হাদি এগত নন্দেশ্বরর জীবনর নক্সাহানও যে কততা তঙাল  
অইল, অউতা তার হংকরা রু প্রিন্টে ধরা নাপড়িল। কামলো গজর-  
তারে হারৌ করিয়া অভারাসিয়ারগ অইল। অউতার ট্রেনিংএ যিতেগা  
শিলঙে থিতি অছে শিলটর রাধা বিনোদর জিলক কমলিনীয়ে বিয়া  
করল। বছরবুলনে জেঠা মুনিশোগ বারো দ্বি বছরর থাংনা থাংনিত  
মাজিলা বারো খুল্লা পদুতক উগি জরম অইলা। মোরেই জিপু-  
তরেলো জিল্লাগত সরকারি কোর্টার্সে সংসার পাতল নন্দেশ্বর।  
মালকেরও গাঙেত্ত আনিয়া লগে থইনা। কিন্তু, জাতবেজাতর সকাস-  
কির ডরে ঘরর শেওমাঙ বাছবিচার করতে করতে, গাঙর বিহানি  
বাগি আলাই হেলামি করতাই ডরে ঘর মাংকল করতে করতে  
আকদিন আকুপী বারো গাঙর ভিটাগত আহিলী। হাপ্তা দ্বিহাপ্তা  
পিছে পিছে নন্দেশ্বর মোরেই জিপুতরেলো উনা অয়া যারগা।  
ঘরগর নক্সাহান থানি তঙাল অইল অউহান মালকরে বাগেইল।  
আসাম টাইপুর পটা তিনতালা আর সি সি দলানগ। তিনগ  
জিপুতর তিনহানতালা। এবাকা ইমে তলর তালাহান তা হংকরতই।  
জিপুতর আমলে তানু হংকরতাই। খেই খেই ভিটা করিয়া ক্ষেতির  
বি মাংকরানির কুনো যুক্তি নেই অউহান মালকও য়াকরল।

সুবাখে পেয়া, একেবারে হস্তাত, জিল্লাগত নন্দেশ্বরে তার  
বাইরাউগ রকাদার ভিটাগল লবেলল। কমলিনীর বুদ্ধি লইতেগা তা  
টাউনে ভিটা আগর মালিকগ অ পারলতা। অবশ্য কমলিনীর



হুনাহাবি বন্ধকে গেলগা বুললেও যাকরের। এবাকা অকমাক ঘর  
আগ তুলে দিলে ভাড়ার রূপাহানিলও হুনাহানি ছুটা পারের মাই।  
গাওর ঘরর য়ারিহাম ধগিত থয়া উরাদারা এং ইত ঘর আগর  
পরিকল্পনাত গই লাগিল নন্দেশ্বর।

‘মোর বহক এগর শিঙ এহানতে, সেইক্ষাত লক্ষীগ—’ বহকরে  
সলকরতে সলকরতে পুতকর তা দেবর রূপহান দেহে দেহে দলা-  
নগর রু প্রিষ্টহান আহির পাতাহানিলো যমকরিয়া এ দিচালি  
শনর ঘর এগুলির তলে দৌঅর থয়া পেইলগা আকুপীসেনা।  
ভিটাগর আশায় নন্দেশ্বরর বাপকর সেবার ফামহানার বাঙেদে  
আকুপীরেও সেবা করলা। চাঙখল করে শবাংকর লমকরিয়া  
জিলাগত আয়া মালক বাপকর আকখুলা পুতক নন্দেশ্বর রাতি  
জাগরণ করিয়া আহিরপানি তর্পন দিয়া ইমা বাবার যুগল শ্মাশন  
মন্দিরগর নক্সাহান হংকরাত মেইখ্য দিল। রু প্রিষ্টহান দেইয়াই  
গাওর তার মারুগ মাশাও, মানাক লকেইয়ে ধন্য ধন্য করলা। জিংতা  
অয়া থাইতে দলানগত থানা নুদারলেও তামুর আত্মাগি রইদবরণ  
নাহেয়া নুঙেই অয়া থাকা। আহির পানি পুছে পুছে ঘরগর আগে  
শ্মাশন মন্দিরগ হংকরানি লেপইল নন্দেশ্বর।

এবেদে বুলতে দিবছর না ফাইতে গাওর ভিটা এগ চানাপ্পা  
খালিবারিহান পারা অইল। ঘরগর শন বাহা কাদাবারারতাই নিয়া  
নিয়া টুনডাগ করে দিলা। আকদিন বেরহানিও বাগিয়া পড়িল। গাছর  
গুদা, ফলমূল, পহুরির মাহ সুপ নেই। তামুর বাগিআলা বদনে  
মানু পেইলেই পৌ দেব—রাতি রাতি গাওর মানদুরে হাবি হুরিয়া  
নিতারাগা ঘর আগদুলি দিয়া রাহালি আগ থদেই। গাওর মানদুরে  
বারো মাততারাভাই ইমে তা হজম করেরগ। বিহানি যিবগা ডরে  
হবাগ সারতা। চেইতে চেইতে নন্দেশ্বর মালক বাপকর শ্মশানহানি  
বনালা গাসে হাপদিল।

হরি উানহান লেহে মোরেই জিপদুরেলো আয়া ভিটাগ



শেওকরিয়া তুলসীপুড়ে আহান ইমাবাবার শ্মশানে আকজোড়া কাপক  
পারা ফিরাল কুপলাখাও ভিটা এগ খিড়িও করে বারো মর্কসি দিল পাৱা ।

চেইতে চেইতে আরাক হরি উখান আহানও নাওইলতকো ।  
আহির পটগি পুছিয়া আকুপীসেনার পোর্টেটহানাত আহিথম সেচেইল  
নন্দেশ্বর । গল্পার চিয়ারহান এরে দিয়া তাপ্পা উবাইল । ভিতর  
কুঠাগদে সালইল । নন্দেশ্বরে কুঠাগ হাবিত বিলেক্সা গেছেগা গতহান  
এবাকুও নাকগত লাগিয়া আছে । তার জাঙর পাৱাহানি লিকালিকা  
পাকাগর গজে ছাপা ছাপা অয়া নিকুলেছে ।  
নন্দেশ্বরে কতোহান ওতা চেয়া বাসার কামিলী জেলাউগরে ডাকল,  
'কইতে পুটুর ইমা, এগদে হুন - ।'

### দুই

বদনর ঘর অগ্নির পোঁ এহানে আজি নন্দেশ্বরে নুও-  
ইপা ঘুম আহান দেনা নাদন । ফামহানাত বারো বুলনদে বুলনদে  
কতো কৌশালি করল খাওও তুহুম আহান পেয়াও নাইল ।  
আহোঁবা বদনে, যে বদন পইলা পইলা অয়া সোফাহানাত  
বন্য হাংকৈ অয়া পাক্কাগত বহেছিল, উ বদনে আজি নন্দে-  
শ্বরর আপাবপার ভিটাগত, লিকালিকা ছড়ার পারে, ঘর তুঁসিয়া  
পালইল । তা বারো পচা ড্রেইয়ার গত হুনে হুনে, ডাক্টরিনর  
সাদানে আনিকা শহর এগত, জিগুতর জিনাত, তানদুর সালেদে  
জীবন এহান যুদ্ধ করতে করতে আজি ফরিকাপা জেঠায়ুগ  
অয়া গড়াগড়ি বার । তার দরফরাহান হার পইলা কই । সম-  
য়র ধূলিত বুলে বারগা পুরাণা কাপা বারো টেঙটেঙয়া নিকু-  
লিল । আহির মূও বারো দেখল, তা বিটায়ারমেণ্টে আহানির  
লগে লগে তার প্রভিডেন্ড ফান্ডর । রূপা জিপুতে কিসাদে  
হরিলুট খিলাতা । তানদুর চাকুরীর ঘোষা বিয়া, ব্যবসায় বুলে  
বুলে চানাপা হুদালা করে দিয়া । বিয়াহাৰিয়া ছাড়া অইল-  
তাতে আকতাও নেই, ইমে জেঠাগর চাকুরীহান ছাড়া বছর



বদলনে 'মেটারনিটি হসপিটাল'র বিলহানিও মালকর আতলো  
বাপকর হিয়রগত যেদিন ফৌকরলাগা নন্দেশ্বর আর জারে নু-  
রল । 'নিলাজ অকর্মণ্য এতাত আমি দৌ অইনেতে ডেই-  
ডেইহারা দিয়া, ভিক্ষা মাগিয়া খেইতাই' - তা কমলিনীর  
তুলো পরামর্শ করিয়া জলার রূপাহানি থাইতে গাঙর ঘরগ  
তুলানিত লেপইল । রূপিশ্ৰুতহানি সালকরিয়া বারো বহিল ।  
ক্যালকুলেটর গত ডিজিডস্থ এতা ব্রেকডাংস অকরলা । জিপদে  
বৌবেই আহি টুকাটুকি দিলা বারো অকরল ।

রূপিশ্ৰুত মতে লোরা সিমেন্টর দামলো হিসাব করিয়া চেইল—  
বীজার বারো জলার রূপাহানিয়ে সামাদিলে মোটামোটি গ্রাউন্ড  
ফেম্মারহান পেয়া কায়া বাক্কা লেমইতই । গ্রাউন্ড ফেম্মারেই থাক  
মাতে পারিলহান আহেতা । অজিকালি জিপদে যে রূপ ধরানি  
অকরলা, পিহহান নাচেইলেতে । দ্বিয়ো বড়াবড়ী নুন মকছিলো  
অইলেও খেয়াতে জিংতা অইতানাই । জেঠা ঔগতে তার চাকুরীর  
ফামে ফামে থাইতই । বাকি হাবি গাঙে থাইলেগা এ ঘর এগর যেতা  
ভাড়া আহিতই অউতালও নুঙেই করে চলানি য়াকরতই । হাবিবতা  
হিসাব লমকরিয়া জেঠা ঔগ ছুটিত আহিল আরো আকদিন রাতি  
ভাত খেইতে নন্দেশ্বরের গাঙে থানার কথাহান তুলল । মাতানিতে  
ফাৎনেই হইপদ পড়েছে ডাইনিং রুম এগ মিকুপহানাত ফটোগ্রাফহান  
পারা অইল । ভাতকামর বরাছি অউতাই চাবানি পাহরলা ভাত  
উটাত লাগেই অউতা খামইলা । কমলিনীয়ে রেঙকরে চেইল ..  
জেঠি বারো খুঁলি বহক উগি তারোহানী ধরিয়া মঠর দুর্গার সাদানে  
আহি পারখিয়া কিচেনগন্ত এবেদে চেইতারা । মাজিলা চাপকউলি  
বহক অউগই কাদ্দের শোগরে ফিডিং বটলগলো ডুফাদিয়া হিঙারল ।  
নন্দেশ্বরের আকতাও নাদেইল সটান দিয়া একমনে মাছর কাটা বাছে  
বাছে জেঠা উগরে মাতল, "হাস্তে তিতে কতি কিতা দিয়া পারবেতা ?  
ডিপার্টমেন্টে হাউস লোনরকা দরখাস্ত করলে কতি কিতা পেইবেতা ?  
পানি গিলাস আহান পিয়া নারগ শেঙকরিয়া জেঠা উগই মাতল,



‘চাকুরীর কনফার্মেশন নাইলেতে হাউস লোনর দরখাস্ত করিয়া —

‘অ’ তোর তাতে বীমা আছেতা ? থাইলেতে উতার গজে লনা যাকরবতা ? জেঠা উগই রেঙকরে মইলকরে চেয়া মতল, ‘হায় যাকরের, হান্তে, অদ্যতে উহানর এগেইনস্টএ লোন আহান আছে — । ‘কিতার তা’ ?

‘সুযোগে পেয়া গোহাটীত ভীটা আগ ল বেললু হান্তে—‘ল বেললে । কইতে মিতে হার নাপাছু !

হাবিবহানে জেঠা উগরে চেইলা । খুলাএগ বেসিনগ দিশা করিয়া উঠিল । এ যারিত তার ভূমিকা নেই বুলিলগ পারা অয়া । কিচেনগত জেঠি বহক উগ ‘ঠররঙ’ করে আঠইপা শব্দ করিয়া হুদালা প্রেসার কুকারগ বেসিনগত বেলা দিল ।

‘উম্’ তোর তাতে ? মাজিলা অউগরে চেয়া বাপকে আংকরল ।

‘রূপা খরচ করিয়া গাঙে ঘর হংকরানির নিক দরকার ? উহানতে এক্স পেন্‌ডিচার হান । বরং টাউনর ভিটা এগ মরগেজ দিয়া ডাঙর লোন লয়া এপেইত মাগিট স্টোরিড বিল্ডিং আগ হংকরানিয়ে বালা দেহুরি । হোটেল কিতাও দিয়া পারিয়ার বা ভাড়া । গুড ইনভেস্টম্যান্ট —’

‘জমা খরচর হিসাব মোরে না হিকেই । কইতে প্রভিডেন্ট ফান্ডর রূপা বিজনেসে ইনভেস্ট করলাই উতার হিসাবতে, কইতে মগি —’

হাবির খুলা উগ বেসিনগত কুকালাহান বেলেয়া হিসাবর খাতার বাধহান না মূকেয়া মাতল, ‘বাহা বাবা, গাঙর ঘর অউগত কুংগ থাইত ইগাথাং আপ্পানে রু প্রিন্টলো গই লাগেছততা । আমি গাঙে গিয়া থানা নুবারতাঙাই । হাবির গেলেগাও মি নুবার তো ।’

‘কিয়া নুবারতেইতা ? আপাবপার ভিটাগত থাইতেগা ’

‘বাবা’ অউতা নস্টালজিক সেন্টিম্যান্ট । গাঙে হুন্দা এডজাস্টম্যান্টর নগই এস্টারিশম্যান্টর প্রেরমও আমারতা আছে ।

শেঙ, কাপকপাৰা ফিৰৈ পিদিয়া । হাবিৰ পিঠিত নন্দেশ্বৰ । এহানতে  
 কিসাদে মৰণহান । মৰণ নাগই এহানতে তীৰ্থযাত্ৰা । দলেইত চৰিয়া  
 আনন্দধাম স্বৰ্গত কমলিনীৰ হৃদয়েও আৰোহণ । দুখ কিতাৰতা ।  
 বিৰহৰ আহিৰ পানি পুছিয়া তা মৃগ অয়া কমলিনীৰ কাইহানাদে  
 চেইল । কমলিনী তি পুণ্যবতীৰ্গ । শেঙ ল'ৰিনানে চিনকৰেছে কমলি-  
 নীৰ স্বৰ্গাৰোহণৰ পথগ পিঠিবুলন দিয়া আকফিৰ চেয়া ভাবে  
 বিভোৰ অয়া মন্দিলাৰ তালে তালে তাও আতৰ থাপন দেনা অকৰল ।  
 তাৰ নাৰগও নিকুলিল কনাকে মালকে সদাই সেন্ধাত দিল মনশিক্ষা-  
 হান— 'আকদিনতে সৈনেই, শ্মশানে ঘুমজিতেই ..... আকদিনতে ....  
 সৈনেই' তাৰ আহিথমে আনন্দধাৰা । 'হৰিবল হৰিবল -' জয়ধ্বনি  
 দিয়া শ্মশানযাত্ৰী হাবি খলপাঙে য়োঅইলা ।

তাৰ আপাবপাৰ ভিটাগত, ইমাবাবাৰ সেবাৰ ফামৰ বিঙেদে  
 দিগালি সাড়ে তিন আত বাৰো পাখাৰি আক আত বি এৰে দিয়া  
 কমলিনীৰ কুগৰ ফামহান চিন কৰে দিল নন্দেশ্বৰ । হাবিৰ তুলো  
 আপাবপাৰ ভিটাগত, বাতেদে ইমাবাবা বাৰো বিঙেদে কমলিনী,  
 হাবিৰ এ সাড়ে তিন আত শেঙ শেঙ স্বৰ্গীয় ফাম এহানাত আক-  
 দিন ডাকৰ পুংলল, মনশিক্ষাৰ খলিক সামবেদৰ মধুৰ মন্ত্ৰ হুনে হুনে  
 ঘুমজানি মনেইল নন্দেশ্বৰ । আৰ কুৰাংথাঙ স্বৰ্গ, গাঙ এহানই  
 আসল স্বৰ্গহান ।

নন্দেশ্বৰ আৰ ফামহানাত থানা নুৰাৰল । ফামহানাত লামিয়া  
 খিড়কীহানৰ কাদাত চিয়ারহানাত বহিল । খিড়কীহান আঙকৰে পাৰলে  
 খানি মাৰাম অইলইছ । কিন্তু উপায় নেই । আংকৰেই কাদাৰ  
 হোটেলগৰ চাকুৰ পুগাগত, মূৰগিৰ ফিৰিৰ তুম্বুৰগ বোহানৰ লগে ঘৰে  
 ভিতৰে হমেইতই হাঙে খিড়কীহানি থায়াও নেই । নন্দেশ্বৰ ঠুনিংগা  
 বেলল । কমলিনী নেই । নন্দেশ্বৰৰতা আৰ আকগও নেই । নিংসঙ্গ  
 আসাম টাইপৰ ঘৰৰ ব্ৰুপ্ৰিষ্টহান আসমাৰিগত পিড়িয়া থাইল । কাৰ  
 সালেদে ঘৰ । তাৰতা ঘৰ নালাগেৰ । হুন্দা ইমাবাবা বাৰো কমলিনীৰ  
 কাদাত ডায়া মালুৰা হাঙে জুনাক তেৱাৰ পৰেইলো হাজেছি



গোপীকার রাসলীলা চেয়া থানা পারলেও আত্মার শান্তি । কর্মলিনী  
দৌ অনার পিছে বছর দ্বিবছর দৌরাং সিকদা বারো গাঙর ভিটাগত  
গুরুজনের সেবার ফামে ফিরাল হালকরলাগা নিঙহান দেহিয়া নন্দে-  
শ্বর এ হপন এহানি দেহানির সাহস করেছিল কিন্তু তারতা যে  
হপন দেহানির অধিকারও আর নেই তা হারনাপাছিল । জিপদুত মান্দু  
নাইলেতে এসাদে অরতাকো । জেঠা উগতে চানাপ্পা গোহাটীত  
খুটি গারল । মালক দৌ অনার পিছে ঘরে থাইলা চাকুরি নেই দ্বিয়ো  
জিপদুতর দাপটে লম নার । মাজিলা উগ চাকুরীর বাজারে চানাপ্পা  
ফিটাকালকরা দালালগা হিসাবে নাও ফাটেইল । 'শেয়ার বাজারেও  
চাকুরীর বাজারেই আজিকার নিয়াম ইট্ উনি । খুলা উগ বেপারর  
ধাম্মাত ফামফামে বুলের । বেপারর সালেদে বাধ্য অয়া পাটিত  
অভার ডিঙ্ক করিয়া ঘরে আলইলেও নুরারা বাপক এগর পৌ  
সৈনায়ী, দুরারর ষম্পাগত ওয়া অইলেও নেরগা । হায় কতিও অধ-  
পতন আহিলো দেহানি । অবশ্য তান্দুর ভাষাত আপলিষ্টম্যান্ট  
বাই এডজাস্টম্যান্ট । কনাকে পইলা জুতা টাই পিদিয়া কনভেণ্ট স্কুলে  
জিপদুত গেলাগা উবাকা ইমাবাবার বুক কতি আশালো বুদ্ধিজীবিতা ।  
মালকে ছাতি লদিলা রূপা নেয়নিয়ৈ ফেনকচুর পাতা মুরে দিয়া বরি-  
ষাত পাঠশালা দাবদিলা নমেশবুরে আজি এহান পেয়া কাইলমাহিতে  
তা জিপদুতরেলো ডাঙর আশা করানি লাল নাছে । কিন্তু লমইতেগা  
জেঠাউগ ছাড়া বাকী এতা মামুলি গ্রাজুৱেটও অন্য নুরারলা ।

আকদিন দ্বিয়ো বেইবু নিয়ৈ হিসাব করিয়া চেইলা শিলচর রোডে  
নাইট বাসর আয় নিয়াম হবা । লামডিঙর পিছে পাহার লাইন এগ  
ষতদিন ব্রডগজ নাছে ততদিন বাজারহান থাইতই । টাউনর ভিটাগ  
মরগেজ দিলেও লোনহানলো নারগা । পইলাকার গাড়িহান মাহা  
আহানাত না লামেইলে হাবিব পণ্ড অইতই । তান্দুর আহি গাঙর  
বিহানিত ফৌঅইলগা । গাঙর বির ল্যান্ড ভেলুরেশন ক্রম, এপ্রিসি-  
য়েশনও মাত্রে গেলেগা নেই । অউতা থনার কোন বুদ্ধি নেই । চিন্তা  
মতে কাম । হুদলস্থল করিয়া জেঠা উগর মত লয়া হাবিব জিপদুত

একজোট অয়া বাপকরে ধরলা । হুনানিয়ে নন্দেশ্বরর বুকগ মজুরগ দিল । চেইতে চেইতে তা ফামে পড়িল থাওউ, ব্যবসার সিদ্ধান্ত অটল । অর্থনীতির হুতগত তার নস্টালজিক সেন্টিমেন্ট কর্তিদিন টিকে পারতইতা । বুকগ চেতকরে ধরিয়া নিরুপায় বাপক আকদিন জিপুতর কথা শ্রাকরানিত বাধ্য অইল । বিনদিনে হারিলুটর মিঠাইর সাদানে গাঙর মানুরে নন্দেশ্বরর হংকরা সম্প্রতিহান লুপকরলা । বদনর লপ-হানাত পড়িল ভিটাগ ।

অর্থনীতির সুব্রহ্মাণ্ড লালয়া উমানৈই । গাড়ীহানি সড়কে কানা ফাংনেই কাচা রূপার হুতগ তার ঘরেদে বহিল । গাঙর বি. উতার কতোগুণ দাম উসল অইল । কিন্তু, নন্দেশ্বর চানাপ্পা ফামে পড়িল । কর্মলিনী থাইলে আটকা পাড়লইছ । তেই নেয়নির লগে লগেই জিপুত এতাই, বাসাহানর মূঙর মাংসর দুকানীগর সাদানে নন্দেশ্বর ফরিহানি উহুলিয়া, নাক-কান-মূর কাপিয়া, জটায়ুগ নাগই চানাপ্পা রয়লার চিকেনগ হংকরে দিলা । মূলুদকরে দেহুরেরা বারো হাট বিশেষত দেহুরেইতারা, ভেলুরে নিতারাগা । তার বুকগর দরফরানি স্টেথো-স্কোপলো নাহুনিয়া আকগ, ইমে আকগ জিপুতেও যদি বাপকর বুকগত কানপাতিয়া হুনলাইহতা ।

কিন্তু হুনতইগ কুংগ ? মিছা হপন । বাপকর বুকগত পাতানির কাণ আকহানও আকগরতাও সাং নেই । লাভ ক্ষতির অংক মোরেইর বিউটি পালটারর যারি বারো বাকমানএ হাবি কান হাপদেছ । আকগওয় নন্দেশ্বরর গুরারার মূল কাংগহান হারপানি নামনেইলা । আজি ভেলোর হাসপাতালে, এরোড্রামে গুরা ফামে গুরামাগুর তুলো চিনপরিচ অইলে 'ঘরতে কুংগ' বুলিয়া আংকরলেই তা তুলো অয়া উত্তর দের 'শিলচরে ' গাদও ঘরতে বুললে বাংলাদেশী রিফিউজির সাদানে 'সিঙসায়া মাতে বাধা অর, ইমে শিলচরেই ।' 'হায় ! হাবিহা থায়াও আজি তা রিফিউজিগ অইল বারো কিনাও



নেয়ছিল বদন আজি তার ভিটাগত গাণ্ডীবগ অয়া বহিল। নন্দে-  
 শ্বর চিয়ারহানাত উবাইল। কুঠাগর এম্বেরত হোঁমুর আঠানি অকরল।  
 পথর কুকুরও আর রহানির কারণ বিছারেয়া নাপেয়া ইম্পানি  
 অইল। নন্দেশ্বরর বুকগর তার কিতার জিগ জলের পারা। কতো-  
 হান আটতে আটতে তা আলমারিগ মুকেয়া রুশ্চিক্তহানি নিকালেয়া  
 চেইল। বাপক মালক বারো কমলিনীর সেবার ফামহানাত তার  
 সালেদে চিনকরিয়া বছিল সাডে তিন আত ফাম উচিলার গজে  
 আঙুলি পড়ানিয়ে তারতা হক আগই ডিফিল। আহিগিত বাহিয়া  
 আহিল মালকব বারো কমলিনীর সেবার দৃশ্য ঐতা। কানহানাত  
 ফো অইলতা সেলপুঙ ডাক বারো মন্দিলার রৌ। তাও ঐসাদে  
 দলেইত চরিয়া স্বর্গারোহন করতই বুলিয়া লেপকরেছিল। কিন্তু  
 আর অইলতা? গাঙেই দৌ-অপড়লেগা কুংপেইত সেবা করতাইগ।  
 চান্দুরা চিঙখুন্দি নেই, ময় নেই, পুঙখাত নিজর শ্মশান যাত্রার  
 বিভংস চিত্র আগ তা কল্পনা করানি অকরল। তা কিতাপারা  
 বনিয়া বাতি আহানাত দৌ অইল। চুঙগালা ডালিয়া বরণ দেব।  
 মবাগ ডুইংকমগত তুরাবহানার কাদাত থইলা। পিছে উঠানে ট্রাক  
 আহান আনলা। ট্রাকহানাত ডাম আহানলো বেড়েয়া তারে  
 কাকবলা। পলিখিন শীট আহানলো বেবেয়া টাউনর বারোরারি  
 শ্মশানে নিলাগা। শ্মশানে আরাকও মরা মাছি পারেও করিয়া থছি।  
 তারেও পাবেও থইলা। মুঙে হাসপাতালর লেরারিশ লাশ কতোগ।  
 ঐতার থাংনাত বড়া আগ। থাংনাত তার লাশগ। জিঃতা অয়া  
 থাইতে বেশনব তুকানে, রেলষ্টশনে কিউ' দিলতার দিল ঐতা  
 বুলিয়া মরানির পিছে শ্মশানে আয়াউ কিউ' ?

অবাযো মুঙর বড়া ঐগরে চিনেছে চিনেছে পারা। তানুর  
 বাসার মুঙর মুচি উগ না। জনম এহান তার জুতা স্যাণ্ডাল  
 বিয়ানে বিয়ানে সাফ করলগ। উহ অসম্ভব। না এসাদে নাইতই।  
 বারারোরি শ্মশান হাবির লগে উটাউটি অয়া ভাড়াকরা ইলেক-

টুক চুপ্তিও তার মরাগ পুড় নি নাদতই। গাটের পায়ে গজা-  
ললো হিনেয়া গাঙা পাকানা বরু বাতালো হাকরা শাশান  
ছাড়া আর কুনোপেইতৌ তার সেবা নাইতই। হে সেইতা সেইতা -  
নন্দেশ্বর রূপিস্টহান জিপেয়া বারো আটানি অকরল। তা বদনরে  
মাতিয়া চেইতই। তার আছে টাউনর বি সম্পাও এতার পঠাও যদি  
ও সাড়ে তিন আত বদনে এরে দেব ..... নাহ্ তারতা হরি উথানে  
গাঙে যানাই লাগতই। তা এবজো নাতে মরেছেনাই। স্থবর অস্থাবর  
হাশিব সম্পাতির মালিকগ এবাকাও তা ওতাইলে, কিয়ামাও এমাদে  
নন্দেশ্বর আটতে আটতে ঠুয়া বহিল। মন্ডর মাংসর দোকানর মুরগী  
ওতা রহানি অকরল।

বদনর ঘর অঙনির দিনে নন্দেশ্বর গাঙে যানো লেপাইল। জিপু ত  
বোঁষেয়ে হুনিয়া 'হা হা-হা' করে খামকরলো— 'এগারি এগলো।  
ডাক্তারও নিয়াম আটানি নাদেঁছ বদলতে '

'বেলেই তুমার ডাক্তর। গাড়ীহানাত কইলে ঘণ্টা আহানর পথ  
এবা। কতো বুঝেয়া চেয়াও নাইল আরো লগে মুনিশা আগ দিয়া-  
পেঠানির প্রভাব দিতে নন্দেশ্বর জিগ অইল। কামিল্য আগেরেলো  
নিজর আপা বপার ঘরে যানো? কিয়া জিয়াজিপুত নেইথাও? থায়াও  
নেইইলে নেই। 'মোর লগে কুনোথ থানার দরকার নেই' নন্দেশ্বরে  
এচটি মাতিয়া পঠিকাহানই মালকরিয়া তার মেইথঙর রঙহান  
সির্দানি নাদল।

হরি উথানহান আহিল। মালক ওগর কথাতে কারতাও নিংশিঙে  
নেই বারো বাপকর সালেদে দরদ। নন্দেশ্বরে আকগরেও না বাগেয়া  
ভুবনেশ্বর সাধুবাবার মন্দিরর এইগা উগরে মাতিয়া ফিরাল তিনহান  
যোগাড করল। ফিরালহানি আতহানাত পড়ানিয়ে মালকরে নিংশিঙে  
অইল— মালকও হরি উথানহান বিদা অইলেই ফিরাল বুনিয়া  
বেছলগ। বারো ওঁদির বিয়াস্ত হিনেয়া ফিরাল দুহানাত তুলসীপাতা  
সেন্যারেই লেহাউ আদি ফুলর ডাল ন্যাপকরিয়া তুলসীপুঙে আহান



বারো ভিটাগর হৌ আগাগত, বাতরবারার কোনগত নন্দেশ্বরর  
 বাপকরে সেবা করেছিল। শ্মশানহানাত আরাক আহান নন্দেশ্বররে-  
 কুপদয়েইল। ধূপ থংমেই দিল। গবরলো লেপা শ্মশানহানাত ধূপ  
 বারো গবরে তিলরা আহিল নুংশিপা গত ঔহান আজিও তা  
 পাহুরে নুবারের আসলে নন্দেশ্বররাং বাবা মানেই ধূপ গবরর ঔ  
 শেঙশেঙ গত ঔহান বারো ইমা মানেই সিংলেয়ে ছাছে, কর ধরেছে  
 খারৌ নেই আকজোড়া কঙালা আত। যেহানিয়ে মূড়ি, কাপক বোছিয়া  
 মান্দর রুবা আটিয়া ধান বানিয়া, ফুতি বানিয়া নন্দেশ্বরর জীব-  
 নহানরে ফিরালহানর সাদানে তুলিয়া ধরেদেছে।

হরি উথানর দিনে বিয়াস্ত হিনেয়া ফিরালহানি খৌ আগত  
 বরেয়া রাতাছড়া সালইল নন্দেশ্বর। জিপুতে আর না টটরলা। বাস-  
 স্টান্ড পেয়া থিলকরে দিলা। বাসে কাইয়া রাতাছড়ার পিঠির সড়ক-  
 গত গাড়িহানাত লামিল। বাজার বার অয়াতে বান্ধা মান্দ সড়ক-  
 গদে আইতারা। ছাতিগ সালকাঁরিয়া লপুকগদে মিলেঙ দিল। তার  
 গাঙর লপুকগ এবাকাও অবিকল আগেকার সাদানে আছে। ফেইচম-  
 হান কুচকাঁরিয়া তা লপুকগত লামিল। খানিপারা নাষিতেগা তা  
 দেখল, জাংগালগদে মৌ জেলা আগ খুরাকহাপেই আগ মুরে দিয়া  
 বাজারমুহা দিয়া আহিরী। তা দেহিয়াই হারপেইল কাপকউলীগ।  
 মিকুপহানাত তার ইমার কথা নিংশিও অইল। জেলা উগরে তা  
 নাচিনল কিন্তু তেইতে চিনলহাং মুরকসি আহান দিল। তা আংকরল  
 'কাপক না কিতা?'

'হায়'

'চেইকতা।'

কাপকউলীগই তাপ্প খুরাকহাপেইগ লামেয়া থয়া মুরগর আলাহান  
 ককগত থয়া বহিলী। গুরনিহান আংকরতেই নন্দেশ্বররতা জিরিঙ  
 করল। তার কনাকর হাবিত পুর সেনা কাপকর খিল্লাহানিয়ে মিলে-  
 ঔহান কির করে আছলল। ঠিক তার ইমাই হংকরল উতা পারা

অছে। তার কনাকহান চপ্ চপ অয়া খুৱাকহাপেই এগর ভিতরে  
 অবিকল আছেপারা। তা কতো খিৱা লয়া কনাক শৌগর সাদানে  
 চাবে চাবে লপুক ফাৰি দেনা অকরল। জাংগালগর ব্ৰিয়োবাবাদে ধানর  
 চেই মাছা নঙেছে পইলা গাৱিত অছি কইনাৱ সাদানে ৰঙ ফুটেছে  
 চেই এতা নন্দেশ্বৰে দেহিয়া হাৱৌ অয়া কাদাত চেপয়া লাজে  
 মূৱ নঙেয়া উবা অছি পাৱা। নন্দেশ্বৰতে নিঙল শৌ নাপাছেগ।  
 পেইলইছতা ভাত খোৱাত গেলেগা এসাদে উবা অইলাইছ। মাছা  
 নঙা ধানর চেই ওতা মাঠিয়া আহান দিয়া আগুৱেইল। গাওহানাত  
 আহানিয়ে তার বুকগর দরফরানিহান চানাপ্পা নেয়ইল পাৱা। উনা  
 সমৰগাছির বাহাছপা, ওৱ খালিবাৱিহান। ইয়েণ্ডি বাধগত কায়া  
 দেখল, ছড়াহান এবাকাও বাউক লয়া দাবদেৱ। নীলোমণি গাছির  
 ঘৰর মূণ্ডে উবা অয়া নন্দেশ্বৰে লৌ দিল, 'অ—নীলোমণি, ঘৰে  
 আছতগ' 'নেই,। বদন খুড়া গাছিৱাং গেছেগা, ঘৰ অওইতাৱা  
 হান্তে।' বেয়াপা আগই ঘৰে ভিতৰেত খুমকরল।

'অ—অ—' কাৱ নাৱগ? বহক লকেই অ থাইবা। ওনা খঙ-  
 নাঙজাৱর মাৱা এগ এবাকাও সিংলেইৱ সাদানে গাটহানানে যালয়া  
 আছে। নন্দেশ্বৰে উবা অয়া গাটহানাত হাতুৱতাৱা শৌতাৱে চেয়া  
 থাইল। স্কুলেত আয়াও ফুতিফালি বেলেয়া মাৱা উতাত ডেঙ থেয়া  
 থেয়া গাটহানাত 'জবঙ' কৰে পতলা হাৱৌ ওহা। িংশিত অইনে  
 এবাকাই হাতুৱানি আহেৱ। বাৱো অ গাঁৱি অচল। ওৱ বাউকহান  
 লালইলেই তানুৱ ঘৰগ। ঘৰগ বিত্তা অঁৱ কাকেইহান তুৱা অইল।  
 বুকগ দরফর আহান কৰানি অকরল। আতহান থকয়া জেবগর  
 টাবলেটগত আতহান ফৌ অইলগা। মেত্তমকা উবা অনিয়ে আপ্পানে  
 বাৱো কমইল। বাৱো আটানি, অচল। ঘৰগর গাটহান পানা ফাৎ-  
 নেই ইমা বাবা বাৱো কমলিনীৱ সেবাৱ ফামহান আগে চেইল। নাহ  
 ঠিক আছে। এবাকাও হুদানা অয়া আছে। ঘৰগদে মিলেঙ দিল।  
 অবায়, এহানতে বদনে কিহান বুলিয়া কৰেছেতা! তাৱ ৰূপ্ৰিটহানৱ



তুলো চানাপ্পা তিল নাছে। মাতলেও য়াকরের নাই। ঘরগর বাট-  
হানও নাছে, খিড়কিও হরু হরু। ঘরগর মুরে বারো গরু মইষর  
শাও আগ। উহ আমার রুচি এতার উন্নতি নাইল। তারে গাটা-  
হানাত দেহানিয়ে বদন দাবদে ওককরাত আহিল। কীর্তনর খুভেই  
আহান পিদেছে বারো আহান গলবস্ত্র দেছে। নন্দেশ্বররে হমা দিয়া  
ছাতিগই ব্যাগগই বদনে তারাংতো লইল। ঘরগর মুরে তানুর পহরি-  
শৌগ এবাকাও আছে। ইথলহানর কাদাত লেহাউজারও। নন্দেশ্বর  
ইথলহানাদে আগুরেইল।

‘খুড়া ইথলহান উচ্ছে, নুবরতেই। শেঙনির পানি ঘরে দিতা  
গাই।’ নন্দেশ্বরে আকতাও নাহনিয়া তার সাড়ে তিন আত বিটু-  
মাহান দিশা করিয়া কাকেই কারল। লেহাউজারর তলে উবা অয়া  
চেয়া তা খাওইল। হাঃ এহানতে কিহান এ! বদনে এহানতে কিহান  
বুলিয়া করেছেতা। তার গারিগ থর থর নিকরানি অকরল। তার  
ইমা বাবা বারো কমলিনীর সেবার ফামহানর কাদাত গররর দলগ।  
টঙ্গিগত পুরইনর সেনডুম গবর পাহিয়া তানুর সেবার ফাম বারো  
তার সাড়ে তিন আত স্বর্গহান আনিকা করেছেগা। আতহানলো  
বুকগ জাতেয়া গারগ তেরিচ করিয়া তা হপনপারা তার স্বর্গটুমা-  
হানাদে চেয়া থাইল, মাদানপরে জমে আলয়া বাগা ডিমর বাকলর  
কাদাত উবাছে নিথর মালক হরালি পাহিয়াগর সাদানে। হাতে  
হাতে ঠোকরা সেনকমর সাদানে সৌতনি আহান কলপুক সৌ-  
করিয়া তার দেহমনেও পাহিয়া পড়িল। খা করে পিঠি বুলন  
দিল বদন নেই। তা ঘরে গিয়া নন্দেশ্বরর জিরানির ফামহান  
বুত করাত লাগেছেগা হাং। উঠানে পুর্লিছ মান্দু নন্দেশ্বরর চেয়া উবা  
অছি। আসলে বাতন করলেও তা হুতুমেও আহে পারব বুলিয়া  
আকগয়ও না নিংকরেছি। তার কনাকর উদাক নীলমণি আগুরেয়া  
তারে কলকরলহা বারো তারে ধরে ধরে ঘরে ভিতরে ফামহানাত  
বহাদিল। নন্দেশ্বর টাবলেট আগ লিকালেয়া খেইল। বদন উখাত

অরা হিয়রগদে উবা অইলহা । যৌ করে পরখানি মনেইল গবরর  
দল দেনার ফাম নাপাছত । মোরতা খেয়া পালছতগনা । হার নাপা-  
রথাং ? ঔপেইত মোর ইমা বাবার....' মনেয়াও নাইল । তারে কপ-  
করে চেইল । নিক্করল অটগি তাপ্প খামইল । তার কি অধিকার ?  
আহিথম জিপেয়া তা ফামহানাত ওয়া থাইল । আদল আহান পিছে  
তাপ্প উঠিল । 'মি গাটেত্ত আহিংগা'  
'শেঙনিরকা ?'

'হায় হিনা বেলাংগা ।

'এপেইত পানি কাকরে দিক । হেই খুত্তেই আহান—'

'না, আছে । বেগ উগ দেই । মি গাটে হিনেইংগা । তপ্পন আহানও  
দেনা ।' নন্দেশ্বর আকগর কথা নাহুনিয়া বেগগলো তাপ্প তাপ্প  
গাটে সালইল । গাটর লেইরিগ উচছে । তাপ্প বয়া বয়া লামিল ।  
ফুতি পটেয়া খুত্তেই আহান বেলেয়া, বাবা, ইমা বারো কমলিনী  
শ্মশানে টাঙতইগা বুলিয়া লগে আনেছিল ফিরাল তিনোহান খোগত্ত  
নিকালল । ফিরালর ফুল উতা ফুটাফুটা অনা অকরেছে । ফিরাল-  
হানিলো তা তাপ্প পানিহানাত নামিল । ছড়াহানর লিকলিকা পানি  
তারে বোড়ি দিয়া খেলানি অকরল । চিনলহাত । তা পানিহানাত  
জাবুরদিয়া আকেইহান আকেইহান করে ফিরাল সালকরিয়া পানি-  
হানাত এরে দিল । নীলুৱা পানিহানাত ফটফট করে ফিরালহানি  
পারেও ইলয়া হুতগর লগে সালয়া গেলাগা । নন্দেশ্বর আতজোর  
করিয়া চেয়া থাইল । আহির পানিয়ে হাব্বি খুৱা খুৱা করে দেহানি  
অকরল । তা নিক্করে নিক্করে বির বির করানি অকরল, 'মোরে ক্ষমা  
করিও । বাবা, ইমা, কমলিনী ক্ষমা করিও । মোরেও কাদাত  
চেপকরো ..... আব্রহ্মা ভুবনালোকা দেবর্ষি পিতৃমানবাঃ.....'

তপ্পন দিয়া কাদে কাদে নন্দেশ্বর পারগত কাইল । ফুতি পটেইতে  
দেহের কাদাত নীলমণি আহিগি পুছে পুছে উবা আছে । নন্দেশ্বর  
কনাকর উদাকুরে কলকরিয়া রৌ মেলিয়া কাদানি অকরল । য়াহান



বুজে পুঁজছে যারি খতাহানলো কিতাও নামাতিয়াও উদাকরাং হাব্ব  
মাতল। চুট আহান কাঁদিয়া তানু বদনর ঘরেদে আলইলা। উঠান-  
হানাত পারস পাতিয়া হদাহি। নন্দেশ্বররতা আকতাও নুঙেই না  
লাগের। কুনো রকন প্রসাদ লয়া শিলচরে আলনিরকা গই লাগিল।  
ফুতিফালি পিদিয়া উঠানে নিকুলিল। বদনরে চেয়া খানি থাইল।  
কথা আহান মাতিয়া চেইতো, হেইচা আহান! ঔ সাড়ে তিন আত  
বি উহানাত, বাবা ইমা বারো কমলিনীর কাদাত তারে ঘুমজানি  
দিয়া পারবতা? ভিক্ষা আহান! অইলেতে তা এবাকা শেঙ-  
করিয়া — কিন্তু ফুঁয়া মাতেতে নুঁরারল। নাজানু, কিতা বুলব।  
তাও তার জিপুতর সাদানে আহে বেললেতে। তার ভিটাগত পর  
আগরে সেবা করানি কিয়া দিতই? নন্দেশ্বর মনহান আনিচিল করিয়া  
তাম্পা কাকেই কারল। নীলোমণি ছুঁতিগই বেগুগই লয়া লগো  
অইল। তা আর আনিকা অছে সাড়ে তিন আত হপন উহানাদে  
চানা নুঁরারল। উরউর গান্টাহান লালইলগা। গান্টাহানার কাদাত  
ডিগারা দৌহি ধবলী গেই উগ ঘাস খানা খাময়া ঘরগদে চেয়া উবা  
অয়া আছে। বদনরগ ছাং। তানুরতাও এসাদে ধবলী গেই আগ  
আছিলী। ঔগর চারাগহে অ থাইব।

নীলোমণি লপুকগর খেইপক পেয়া খিলকরে দিয়া উদাকরে  
কলকরিয়া মাতল, 'বারো আহিহ। আনিতে আছিনাই। হিনদুখর  
য়ারিপরি দিয়া যাঙইবাংতা?'

'আহিতৌ, আহিতৌ।' উদাকরাংতো বিদায় লয়া জাংগালগদে  
উর উর আটানি অকরলী সেন্টার আকাকহান। চিনখুঁম্বহানর  
সাদানে খরাহানে লপুকগ জাপদানি অকরেছে। নন্দেশ্বর শিলচরর  
লমইলগা বাসহান ধরানির সালেদে মটর সড়কগ দিশা করিয়া  
কাকেইহান চালাক করল। খেইপুক লপুকে খাংতা দেখল তা যারগা  
জাংগালগদে গুরু কতগ ঘরমুহা পাগল পারা অয়া কাদাদে আহি-  
তারা। পিঠিত রাহাল দুগই থৌকরতারা। খুরার ভিতরেত্ত পেইরাক

নিকুললা পারা । একেবারে কাদাফোঁ অইলাহা । তা বিকুটির লাম-  
 লাদে থা পাইলগা । মাছানঙেহে ধানহানাত লামানিও কিসাদে ।  
 ধাবহান করে দিয়া মৃগুর আলিগত ফৌরইনিতৈ ফাংনেই গুরুগি  
 তারে লালইলা । আরাক মিকুপ আহান ডিলইতেই সৈনেই গজেদে  
 পারবদিয়া গেলাগাইহ । উহানে নন্দেশ্বর ফফরেইল । 'হিক' করে  
 বুকগ বেদাক করে মৃজুরণ আহান দিল ছাতি বেণ আতহানাত  
 পড়িল । তা বুকগ জাতেয়া আলিগত উবা অইল । অজন্ত আবহানে  
 টাকলেউগ নিকাললো । খেইতো ? বদনর গুরেও নঙসাং নাহে আগ  
 খেইলগ কিয়াও খেইতো জিংতা অনার সালেদে । আর জিংতা  
 অয়া থায়াতে কিহান কানা । এব্বাকা এপেইত, গাওর লপুকগত  
 হৃদপিণ্ডগ গট করে খামো পড়লগা তাতে হারোরে অইতই । টাব-  
 লেটানি উরা বেলা দিল । খাংতা আতহান খুৱা তিঙা ধানর চেইত  
 লাগানিয়ে তার আন্তা গারিগ জিরিঙ করল । মাছানঙা চেই এতা আত-  
 হান টিঙাদিয়া লাককরে লাক্কাৱে মাঠিয়েয়া চেইল । হাব্বি তিঙেছে ।  
 আজি লপুক হাব্বি তিঙেছে । তার আতহান চিচ্চপা অইল মনহাও ।  
 খুৱা তিঙা আতর তারাহান বুকগর যেমাপাত বেদানা করিয়া  
 উপেইত মাঠিয়া মাঠিয়া পুছল । পাঞ্জবী হানও তিঙিল । তা তৃষ্ণর  
 আহানি আহান দিল । শিলচরর লমইলগা বাসহান বেলেয়া গেলগা ।  
 নন্দেশ্বর ঔগদে উলটিয়াও না চেইল । আজি হা হুমেউ মরলেত তার  
 ডেকি ভাগ্যবান কইগ । চিংখাম্বি, চান্দবা, সেলপুঙর রৌ, জিয়া  
 জিপুতর আহির পানি নেয়াও থাক্ । তার মরাগর গজে মহা নঙা  
 চেই এতা টুপ টুপ করে সারা রাত কাদতাই । লপুকহাব্বি কাদতাই ।  
 রাতির, পিছে রাতি বহর পিছে বহর, যুগ-যুগান্তর উহানতে কমহান ।  
 'হিক' বারো মৃজুরণ দিল । নিরালহ নউ বারো তিঙানি অকরল । নন্দেশ্বর  
 বুকগ খপহানল ধরিয়া আলিগত বহিল । মাটিহানাত খানি গাইতো ?  
 কার বিহানথাও এহান । তা এব্বাকা এপেইত মরলে বিহানর মালিক  
 ঔগই কিহান করে বেলতইথাও । তার মরাগ হাপদিয়া থাইতই সাড়ে



তিন আত মাটি এহান তারহান অইতই না পাতাল খরিদ বিহানর মালিকগ ঔগরহান । এ যন্ত্রণার হাদিতও নশ্বেশ্বররতা আহানি আহিল । মান্দুর বিও বেদখল করানি মনারতা না কিতা ? না, বেদখলতে নাগই । আসলে মাটির কুনো মালিকই নেই । মালিক অধিকার তাহে । কুনোগউ জরম অইতে মাটি নান্‌তায়া বারো মরতেউ লগে না নিতারাগা । তা তাম্প ঙাইল । মাটির ইংহাম লাগানিয়ে বুকগর বেদনা হানউ খানি কমইল পারা । মনেইব মাটি উহানর গজে তার বসতি করানির অধিকার নেয়ইতে পারে কিন্তু মনেইব ফাম উহানাত চিতগ অয়া মরানির অধিকার তারতা নিশ্চয় আছে । তার গাঙর লপদুগত তা মরতে চেইকতা কুনগই নাদতারাতা । ইং মাটিহানাত ঙায়াউ তার আন্তা গারিগ ঘামে পাহানি না এরিল । নিংসাহান নিয়াম বরি । আহিথম জিপেয়া ভীষ্মর সাদানে হৃদপিণ্ডগ বন্ধ অনার খেলতাম বাছেয়া থাইতে থাইতে খাংতা মৌলিক জ্ঞান তা পেইল । মনেইল ফামে মরানির অধিকার থাইলেতে এপেইত লপদুকেতে কিয়া মরতইতা ? নিজর আপাবপার ভিটাগত ইমাবাবা বারো কমলিনীর কাদাত তার চিনত করা ফামহানাত কিয়া না মরতইতা ? হায় উপেইত তা মরতই । চেইক বদন পারাগই কিসাদে না দেৱতা ? আধারে বুরিয়া যারগা আপাবপার ভিটাগদে চেয়া কৌশলি করিয়া তাম্প বারো উবা অইল নশ্বেশ্বর ।

ঃ - ঃ

চিন্তা

# বিলুপ্তির পথে আমার সংস্কৃতি

ভরদ্বাজ

সমগ্র মানব জাতিরকাণ্ড বুলিক কোন হুঁরু জনগোষ্ঠী আহানরকাণ্ড বুলিক তার সংস্কৃতি ক্রমান্বয়ে খানি খানি অইলেওপরিবর্তন সহ বন্ধ মান। নাইলইহতে প্রাগৈতিহাসিক কালর মানর লগে আজিকার মানর কোন তঙাল নেয়ইলইছ। প্রতি পুরেলে (জেনারেশনে) তার হাবি সঞ্চিত বারো সুরক্ষিত অভিজ্ঞতা পিছেকার পুরেলরাং মিলকরে দেনার ঠৌরাং করের। যাতে পিছেকার পুরেলে এ অভিজ্ঞতা অর্জন করাতে গিয়া বারো নুওয়াকরে হিন নাপাকা, ম ল্যাবান সময় না তিংকরকা।

ঐ পোলাপ অভিজ্ঞতারে মারিতয়ার সভ্যতা আহানর বা জাত আহানর সংস্কৃতি বা কালচার। এক কালচারর পরিবর্তন দেহিয়ার যদিও পরিবর্তনর গতি প্রায়শই অতি মনখর। পরিবর্তন ঘটেবতা নানা কারণে কোন সময় স্বকীয় চেটোল পরিবর্তনর মাধ্যমে বা আমূল পরিবর্তনর মানসে, যেহাকা জনগোষ্ঠীয়ে বাধ্য অয়া খালকরিয়া মিস্থান্ত নিতারাগা যে অতীতর কালচার রেসিয়েল তানর সার্বমইবেলর অর্থাৎ জাতি আহান হিসাবে জিংতা অয়া থানার পরিপরিহ, কোন সময় প্রাকৃতিক পরিস্থিতির চাপে, বা কোন সময় অবহেলায় অপরিচর্যায়, বা মাতে গেলোগা উতার কতহানির বা হাবির মিশ্রিত ফল হিসাবে। আমার ক্ষেত্রত কালচারর পরিবর্তনেত্ নিয়ামঅবক্ষয় - অবহেলায় অপরিচর্যায়।

সমাজ বা সভ্যতা আহান জিংতা অনা নির্ভর করেরতা এ অভিজ্ঞতা সমষ্টির খানি (selective preservation) অর্থাৎ প্রয়োজনানুসারে সংরক্ষণ বারো সংস্কার খানি পরিবর্তন এবং খানি পরিবর্তনর গজে। উহান যেহাকা নার, দেহিয়ার সংস্কৃতি সভ্যতার অনিবার্য অবক্ষয় এবং ক্রমে আকদিন নিদারুণ দুঃখ জনক অবলুপ্ত। মানব ইতিহাসে এসাদে উপমা একেবারে নেইতা নাগই। এ অভিজ্ঞতা সমষ্টিয়ে রূপ নেছেগাতাই ধর্মীয় বারো



সামাজিক আচার অনুষ্ঠান বারো অনুশাসনে-যেতার অনেক-  
হানিয়ে পিছেপিছেদে আইনকানুনে রূপান্তরিত আছে, অনেক-  
হানিয়ে জাতীয় রূহিবৃত্তিও ইত্যাদিত । লোকগীতি, লোকনৃত্য,  
লোকাচার আমার আপা বপার ইতিহাসের সাক্ষ্য বহন করের ।

থাইন্যাকার আমলেও কালচারের সংরক্ষণের দায়িত্ব দেনা  
অছিল তাই সংস্থার গজে, যেমন,— ধর্ম, পরিবার ইত্যাদি ।  
পিছেপিছেদে যেবাকা সমাজ ব্যবস্থা জটীলতর রূপ নিলগা এ  
দায়িত্ব সম্পূর্ণভাবে শিক্ষাব্যবস্থার গজে দেনা অইল । Initiation  
ceremony অর্থাৎ উপনয়ন বা দীক্ষা অইলতাই আজিকার  
ফরম্যাল এডুকেশনের প্রাচীনতম রূপহান । নিয়ামপারা ত্যাগ,  
হিন দৃষ্টির ভিতরেদে অর্জিত, কত'বহুর অধ্যবসায়ের ফলে লব্ধ  
অভিজ্ঞতা সমষ্টি যেতারে কালচারেল হেরিটেজ বুলিয়োর মীমুং  
অয়া মাও ষানার সংজাবনা নিয়াম, যদি বা এতারে সুরক্ষিত  
থয়া পিহেকার পুরেলে ফৌকরে দেনার ব্যবস্থা করানি অর ।  
আমার সমাজপতিয়ে ব্যবস্থা নেছিলগাতা জীবনের বিশেষ পর্ব  
আহান এ কালচারেল হেরিটেজ হিকানিত ন্যাস্ত থাক । বারবহুর  
ব্রহ্মচর্য্য ব্রত অবলম্বনে আয়ন এ-বেদ-বেদান্ত উপনিষদ আদি  
অধ্যয়ন উপনয়ন বা দীক্ষার প্রনয়ন অইলতায় কালচারের সংরক্ষণরকা  
হঙছিল শিক্ষা সংস্থাত হমানির সিজিল আহান । এছাদেই  
শিক্ষাব্যবস্থারে সুষ্ঠু রূপ দেনার সুত্রপাত । আধুনিক স্কুল ও  
শিক্ষা ব্যবস্থার চরম রূপহান ।

বিখ্যাত আমেরিকান সমাজবিজ্ঞানি (সিসিয়লজিস্ট ফ্র্যান্সিষ  
জে ব্রাওন) মাতেছে — কালচারের ক্রমবর্ধন বারো সামাজিক অনু-  
শাসনরকা বুলিয়া প্রজন্মরাং উত্তর সকল হস্তান্তর — এ বিষয়হানিয়ে  
কাঠামোহান অনা উচিত যেহানর ভিতরে থয়া এডুকেশনের সিসিয়-  
লজিস্ট এ শিক্ষাব্যবস্থার বিশেষ ভাবে স্কুলের গুরুত্বপূর্ণ ভূমিকার  
বিচার করতাই ।

এতার পরিপ্রেক্ষিত আমার সামাজিক অবস্থার পর্যালোচনা করলে দেহিয়ার - মাংকলে মাংকলে সারি দিয়া পুরিজ়েলেইশৌ আর না বহিতারা মৃঙে গাহালি থয়া গাহালির গজে মল, মলর গজে পরিপাইট করিয়া ঠিপকরা তলফুতির (চাকছাবি) নামসার ছাপ চাঁচত পাইরথ — বেল্‌কার পানি কাকরানির আগে কইগ গিল্লা ললকরে পারানির সিংনা, নেই চিনার ফুতি বুনানির জিক্‌জাক — জিক্‌জাক্‌ শব্দ, নাহুন্যার আর বেংল খৌ হিজ্যানির ঘম্‌ ঘম্‌, নাদেহিয়ার কৈই ফলেই বনে পারানির সিংনা । কোরাং গেলগা বিশুর দিনে পুরিজ়েলেই মউ জ়েলেইর আন্তর্গাও গিল্লা-খেলার সিংনা, কোরাং গেলগা কার্তিকর কাপকর পালির মরসুমে সেন্‌ধার খানি পিহেদে দীঘল সারিত পুরিজ়েলেই, মৌ জ়েলেইর অপরূপ মিছিল — মুরে কাপক এই পাতে বজা তাপ, আতে রাঙা ডেউটি, লগে ঢুলর গারাপুরেই — তিনজুরা পথ দি গাওরমা ফাওনা । আগে নাঙ করা ঈশালপা ঢাকুলার ঘরে দুরেই গাওন্ত বিদেশেত্ত বিদ্যা তালকরানিরকা আইলা । পাকানা বাহার বেকা মড়া খার লাঠিল কাংসেই খেল্লা লপকর কান্দিত । এবাক কাংসেরৌ নেয়ইল হকিও ধরে নুয়ারলাং ।

হাস্তে দেহিয়ার আমার আছিল কালচারর সংরক্ষণর ব্যবস্থা নেই, নেই পরিষবন্দনর ছাপ, হুন্দা আছেতাই দংশ জনক পরিবর্তন । কিহান পরিবর্তনহান ? আগে অছিল উতা এবাকা আর নেই, বারো খানি মানি বেহানি আছে উহানিও বেকাদে মর্কসি দিয়া টিটকারি করের পারা ।

দেহিয়ার, জাত এহান তাপ্প তাপ্প গুন্টি থুঙ যিয়ারগা — আকবেদে প্রকৃত শিক্ষার অভাবে, আরাকআকবেদে অবহেলায় অপরিচর্য্য জাত এহানর সংস্কৃতির ক্রম অবলুপ্তির পথ । এসাদে অবস্থার পরিবর্তনরকা স্বক্ৰিয় কাকেই নানলেগা আর নিয়ামদিন নেই জাত এহান পৃথিবীর মানচিত্রত সম্পূর্ণ নিম্নে সইনে । এহান



আমার কা বুলিয়া জবর পরিতাপর বারো মানেই লাজর বিষয়হান।  
আমার প্রজন্মরাং জবাবদিহি করানিরতাও কিতাউ নেয়ইতই। প্রায় লুপ্ত  
অনার পথেও আছিলোং কোন আধুনিক প্রামাণিক ইতিহাস গ্রন্থে  
আমার জাতর নাংশাং নেই বুলেও যাকরের, হুন্দা দুহান আহান  
বিদেশী ইকরা লৈইরিকে হেইরাপ উল্লেখ ছাড়া। এবাকা পেয়াও  
কোনকমে জাতহান হিসাবে যে না মরিয়া আছি, উহানর মিহল  
পেয়ারতা ঠারহানাং বারো ফিজেতে, গাও ঘরে চলে আহের আমার  
সামাজিক সাংস্কৃতিক লেইরাপা অনুষ্ঠান আদির মাধ্যমে।

এবাকা পেয়াও চুমচেং অপা বপার আমলর ডেকি রাসলীলা,  
বাসক, রাখোয়াল, ঈশালপার কীর্তন, ঢাকুলার চলন ইত্যাদি  
ইন্ফর্মেল সিস্টেমে হিকানি বা হিকুরানি অর-স্বয়ম্ভু কোন  
রাসধারী বা অজ্ঞা আগরাংত পরুয়ার মাধ্যমে আমার রূহিবৃত্তি  
এতা পিলিক পিলিক কবের বট্টাং ধরেছে লেমগর ছাদে হুন্দা  
নিভানিহান বাছেয়া আছে পারা। লেমগত হাওয়াও যাত-অ  
যারগা আকদিন হুটক নিভানির সম্ভাবনা অতি নিয়াম আছে,  
উতার গজে যেপেইত লেমগত পানি ডালেকুরাও কম নাছি।  
অজারেলও যাতনি অকরলা, পরুয়াও নেয় যিতারাগা।

আমার সমাজে এবাকাও কোন ফরমাল শিক্ষানুষ্ঠানর প্রবর্তন  
নাছে। যেপেইত আগই মনেইলে নির্দিষ্ট শিক্ষাক্রম (সিলেবাস)  
আহান অনুসারে সুনির্দিষ্ট পন্থা বারো সময়সীমার ভিতরে এতা  
হিকানির সুযোগ পা পারের।

মনিপুরর উবেদে মিলেও দিলে দেহিয়ার, তানুর হেওলুমর  
আধুনিকরন এবং বিস্তার, ফরেন একচেঞ্জ অর্থ্যাং বিদেশী মুদ্রা  
অর্জনে সক্ষম ফলে অর্থনৈতিক উন্নতি, এলানাছার যথার্থ ইনস্টিটিউ-  
শনেলাইজেশন, ফলে নিজরতা যেতাই হিকানি মনেইতারা, উতাও  
বারো অন্যান্য প্রদেশ শিক্ষার্থীও নির্দিষ্ট শিক্ষাক্রম ইলয়া ফরমেল  
সিস্টেমর ভিতরে শিক্ষা পা পারতারা। তর্ক উঠতে পারে: তানুরতা

নিজস্ব স্টেট আগ আছে, সরকার আগ আছে মজবুত শেংকাগ অয়া । তাহুর লগে আমার পাস্তামনা নার । কথাহান হাযহান, হান্বে মীমুং অয়া যানা লেপকরতাং ? ডাইলমত সরকার নেই হান্বে নিজরাং নিজে ডানাই লাগতৈ ; না অন্য পহা । আমারতা যেহেতু প্রায় শতকরা নিরানব্বই ভাগ গাঙেই আছি, বিষ্ণুপ্রিয়া মনিপুরী প্রধান গ্রামাঞ্চল আগত আমার জাতীয় স্কুল আগ অকরিক যোগ অট্টেই আংশিক ভাবে আবাসিক । মেরিট টেষ্টের মাধ্যমে বাছাইকরা লোশিংপা শৌ থাইতাইতা ছাত্রাবাসে এসাদে শৌ আইতাই বিভিন্ন গাঙেত । এপেইত তাহুরে শীক্ষায়-কীদায় পারদর্শী করানির প্রচেষ্টা অইতৈ । স্কুলগ যে অকলগত অইতৈ ঐ অকলগ গাঙর শৌ উতা ছাত্রাবাসে নাথায়ও এ স্কুল এগং তামকরে পারানির সুযোগ পেইতাই, যদি এডমিশনরকা নির্ধা- রিত নিম্নতম মান তাহুর তা থা-থার । সেনট্রেল বোর্ড অব সেকেন্ডারি এডুকেশনর পাঠ্যক্রম অনুসরণ করানি হান অইলে এ স্কুলর শিক্ষামাধ্যম অন্য লাগতৈ হিন্দি নাইলে ইংরাজী । আমার ভারতবর্ষর জাতীয় শিক্ষারীতি অনুযায়ী এ স্কুলে আমার শৌ এ হিকানির সুযোগ পেইতাই আমার এলান্যাহ ফাইন আর্টসর অঙ্গ হিসাবে ফুতি বুনানি ইত্যাদি ওয়াক'স এক্সসিপিয়ারিয়েস হিসাবে । ওয়াক' এক্সসিপিয়ারিয়েস হিসাবে থাইতৈ আরতাও দশ, বারগ ইউনিট, যেতা চুমকার মুনাকাকামী ব্যবসায়িক অ্যান্য কুটীর শিল্পর ডেকি চানিত অইতৈ । যেমন, বাঁশবেতর কাম, কারপেনট্রি আরমেচার ওয়াল্ডিং, বেটারি রিপেয়ারিং বা রিকন্ডিশনিং, পারলে আধুনিক হরুহারকাও ইলেকট্রনিক শিল্প, টেইলারিং ইত্যাদি ।

এছাদে স্কুলর মাধ্যমে আঁকবেদে যেসাদে আমার সংস্কৃতি জিৎতা অয়া থাইতৈ অন্যবেদে আমার হবা শৌ উপযুক্ত শিক্ষা পেয়া জাতীয় বারো প্রাদেশিক শিৎনামূলক পরিক্ষাং বহানির যোগ্যতা অর্জন করতাই ।



কিন্তু এসাদে স্কুল আগ অকরানিরকা লাগেরতাই রূপার বাক্কা ডাঙর অংক আগ । আমারতা সরকার ও নেই, রূপা আলা ডাঙর দিলদরাজ মানও নেই । যদি হাবিএ এক অয়া হয় বুলিয়ার, রূপার ব্যাপার উহান সমস্যাহানই নাগই । প্রত্যেক বিকুঁপ্রয়া মণিপূরি ঘরগলেহে মাহানাৎ পাঁচটেকা করে দিবছর তুলিয়া চেইক । আকবেদে আমার একতার পরিচয় পেইতাঙাই, আরাক আকবেদে বিরাট জাতীয় ফান্ড আগ সহ জাতীয় বিদ্যালয় আগ হঙইতই । কিন্তু উতারকা লাগের প্রতি গাঙেগাঙে বিশ্বাসী মানুয়েল মজবুত কমিটি আকেইহান । আদর্শে অনুপ্রাণিত অয়া বিনওয়েটে অকরাগ দৌছিল । হাবির খোঁতাল পাংকালর পথ চেয়া বাছেয়া আছি পারা । সংগঠনর পেশী বারো আখিক পাংলাকর মস্ত হচরত আতর তারাহান আগই বারানি থকইতৈতা ? খালকরিক । বাহবা কম দিয়া হুয়া কামর সমালোচনা খানি কম করিয়া কামে ফালদিয়া পরিক, নাইলে নিয়াম ডিলো পরেগো । আগর ভৌকি ইভলিউশনর বাস হান মিস করতাঙাই ।

—:—



## চরিত্রাভিনেতা শ্রীগোলাপ সিংহ

লগ্নে ঊহানক আহান।  
চিত্তার পক্ষত নিশি কান্ত।

শ্রীগোলাপ সিংহ ১৯১৯ ইং ৮ই ফেব্রুয়ারী যাত্রাপুর পরগণার রাজনগ  
গাঙে জন্ম অছিল। তার পিছেদে ৫ বৎসর বয়সে নরসিংপুর লয়াত  
স্থায়ীভাবে আহিয়া ডাঙর অছে। শ্রীহট্টর মোরারী চাঁদ কলেজেত  
বি, এ, পাশ করিয়া ধলাই বাম নিত্যানন্দ বহুমুখী বিদ্যালয়ত  
শিক্ষকর কামে নিয়োগ উহানই গিরকর কর্মজীবন শুরু। বিশেষ করে  
শিক্ষকতা করে করে বারমুনী লয়াত নাটকর (থিয়েটার) জোয়াড়  
আনানির মূলেই শ্রীগোলাপ সিংহ। নাট্য জগতে বিশেষ করে বিষ্ণু-  
প্রিয়া মণিপুত্রী সমাজে যুগ সৃষ্টি করানিত শ্রী সিংহর ভূমিকা কোন  
অংশেই কম নাগই। প্রমাণ স্বরূপ মাতানি যাকরের “তরুণোদয়  
কলাভারতী” নাট্য সংস্থার মাধ্যমে ১৯৬৭ ইংরাজীত পৌরানিক  
বিভাগে “Best author award” হরিশ্চন্দ্র নাটকে, লেখক অশ্বিনী  
কুমার বারো নাম ভূমিকাত শ্রী সিংহ নিজে অভিনয় করেছিল। ১৯৭৫  
ইংরাজীত কাছাড় যাত্রা ফাংনাত হাস্য কৌতুকে দ্বিতীয় পুরস্কার  
পাছিল। উহান সহ সর্বমোট তরুণোদয় নাট্য সংস্থায় পাছিলতা ১১  
হান পুরস্কার (প্রথম, দ্বিতীয়, তৃতীয় এসাদে করে) মাতানি যাকরের  
যুগ উহানর নাঙ ১৯৫৬ ইংরাজীত ১৯৭৭ ইংরাজী পেয়া বার-  
মুনীর রেনেসাস।

শ্রীসিংহ পুরাতন কাছাড় জিলাত তথা এ পূর্বাঞ্চলে নাট্য মোদী  
গিরিগিথানীরাং অতি পরিচিত প্রথম শ্রেণীর শিল্পী আগ। গিরকর  
অভিনয় কলা কৌশল উতা এবাকাউ নাট্য মোদী গিরিগিথানীরাং  
আলোচনাত বিশেষ স্থান পার। অভিনয় জগতে শিল্পীআগ  
হিসাবে তার ব্যক্তিত্ব, প্রভাব কতিহান বুললে উপেইত মাতানি  
য়াকরের অসামান্য। আত্মভোলা, খ্যাতি, অখ্যাতি এ দিয় হানিতেই



উদাসিন । সঙ্গীত, নাটক পাগল এসাদে গুনসম্পন্ন ব্যক্তি আগ  
বুললে পয়লাই শ্রীসিংহের নিঃশিঃ অয়ার ।

শ্রীসিংহর নিজস্ব চিন্তার জগৎ আহান আছে যেহান রীতি-  
মতো গভীর বারো ব্যাপক । এহান অনেকগই হয়তো বা হার না  
পাছি । ব্যক্তিগত নিবিড় পরিচয়লো যেগ যেগ কাদাত চেপছি  
তানুই মাতে পারতাই তার অভিনয় দক্ষতা, নাট্য আন্দোলনে  
তার ভূমিকা, ত্যাগ, থিয়েটারে বিঃ মঃ সমাজে তার সৃষ্টিহান  
কিহান, তার সংগ্রাম সফল অছিল কিনা ? আদর্শ শিক্ষক আগর  
দায়িত্ব কতিহান রক্ষা করে পারেছিল উহানই । গিরকে পূর্ণাঙ্গর  
নাটক আহান লিখেছে । প্রকাশ পানার পথে । এলা, ছড়া ইত্যাদিলো  
বই আহান প্রকাশ অনির পথে ।

শিল্পী গোলাপ সিংহর লগে চিন্তার পক্ষত্ব সাক্ষাৎকারী  
এগর নিবিড় পরিচয়র পটভূমিকাত অন্তরঙ্গ আলোচনা উতাই  
এ সাক্ষাৎকার এহানাত অতি যতন করিয়া তুলিয়া ধরানি অইল ।

চিন্তা :— আপনি কুন কলেজে BA পাশ করলাঙ !

শ্রীগোলাপসিংহ — শ্রীহট্টর মোরারী চাঁদ কলেজে ।

চিন্তা :— আপনি শ্রীহট্টে ঘর ভাড়া করিয়া পাকরলাঙতা না Hostal  
এ থায়া ?

শ্রীসিংহ :— ভাড়া ঘরে থায়া পাকরল ।

চিন্তা :— আপনি মুরারীচাঁদ কলেজে পাকরানির সময়ত কলেজর  
ফাংশনে বা কুনো নাটকে অভিনয় করেছিলাং কিনা ?

শ্রীসিংহ :— না । তবে মাসিমপুর (শ্রীহট্ট) থাইতে উপেইত ছাত্র  
তিলয়া থিয়েটার করলাঙ । মিউ অভিনয়করল ।

চিন্তা :— ও সময়ত মাসিমপুরর (শ্রীহট্টর) আমার রিকুপ্রিয়া মণি-  
পুরী উতার পরিবেশ উহান কিসাদে আছিল ?

শ্রীসিংহ :— পরিবেশ — আমি তানুরে খানি টিটকারী দিলাঙ ।  
তানু আমারে গাউর মানু বুললা । উহান ছনিয়া মাতলাঙ



— হায়, আমি তে গাউর মানুষ। গাঙর মানুষ। তুমিতে  
কিতা ? আমার ঠার মাততে বাংলা মাতরাই। — “হই  
ইউফিগো খোর মাঝে লুপ করহে।” উহানতে কিহান ?  
উসাদে করিয়া চললাও। তবে ডাঙর গুনহান অয়লতাই,  
তানু অর্থ (রূপা) সংগ্রহ করানি জ্বর জানি। খানা  
পিনার ব্যাপারে তানু জ্বর জানি। উহান বাখান  
করিলহান।

চিন্তা :— নাটকর প্রেরণা কুরাংতো পেইলাও ?

শ্রী সিংহ :— নাটকর প্রেরণা — নাটকর প্রতি বোক আছিলতা  
কনাকতো। উহানই মোর প্রেরণাহান। উহানে গাঙেদে  
গিয়া নাটক করলাওগা।

চিন্তা :— আপনি বি, এ. পাশ করানির পিছেদে কিসাদে পেছাহান  
প্রহণ করলাও ?

শ্রী সিংহ :— শিক্ষকতা। ৩ মানিক অজ্ঞা বারো মোর বইজীয়ে এ  
মাঠারী এহানরকা নিয়াম জোর করলা। মিউ মনে মনে  
নিয়াম মনেইলু।

চিন্তা :— আপনি শিক্ষক আগ হিসাবে কর্মে যোগদান করানির পরে  
আপনার আদর্শ হান কিহান আছিল ?

শ্রী সিংহ :— আদর্শতে অরতো শিক্ষক আগ বুললে কিহান বুঝার ?  
এ চিন্তা বাত এহান, ভাবনা বাত এহান, কিসাদে করলে  
শৌরে মানু করানি উহানই আদর্শহান আছিল।

চিন্তা :— আপনার চাকুরী জীবনে আপনি নানাগদে যেমন, মহা-  
সভার মিটিং নাটক, স্কুল এতা কিসাদে চালেইলাও ?

শ্রী সিংহ :— উহান, মনে যদি প্রেরণা যাগের, মনে যদি ইচ্ছা থাকে  
উহান অমলেই বাস। যাত্রা করতে যাত্রা আহান টিকেয়া  
ধনা উহান সাধারণ কথাহান নাগই। কুনোকুনোদিন  
অসুবিধা অইল। তবুও অনেক সময় রাত্রি যাত্রা গেয়া-



নিয়ানে আহিয়া কুল করলু বারো রাতি যাত্রাত গেলুগা ।  
কুনো অসুবিধা না পাছু । ঘুমর যারী নেই । তুহুম  
আহান লেনা আইল । ভগবানর কৃপায়া আস্থাগ হবা  
অমিয়ে কুনো অসুবিধা নাপাছু ।

চিন্তা :— আপনার শিকক জীবনে অরণীয় ঘটনা ?

শ্রী সিংহ :— উসাদে কুনো অরণীয় ঘটনা নেই । মিই কুলর প্রধানগা ।  
কুলউ চলিল । যাত্রা, থিয়েটারউ চলিল । কুলর কুনো  
ক্ষতি না করেছ । কুনোগর যাত্রা থিয়েটার এতার ব্যাপারে  
সাবধান করলা । মি বলিষ্ঠ ভাবে উতার প্রতিবাদ করলু ।  
মোর যাত্রা থিয়েটারে কুলর ক্ষতি না করেছে ।

চিন্তা :— সঙ্গীত আপনার খুব প্রিয় উনি, এহান হাস্যহান ?

শ্রী সিংহ :— সঙ্গীত মোর খুব প্রিয় । যেনপ্রাণে ভাল-  
বাসুরি । যাত্রাপাটি চালেইতে যাত্রাত মুর দিলু । এলা  
লিখলু । মুর কিসাদে মোরাং আহিল মাতে মুরারুরী ।  
পিছে দ হারপাউরী, মোর বুড়াবাবা ইসালপাগ আহিল ।  
উহানে নি কিতানেই মাতে মুরারুরী । মোর বুড়াবাবার  
মূল ঘর পাথারকানিত্ত পিছেদে রাজনগর গাঙে আহেছে ।

চিন্তা :— হরিপ্চন্দ্র নাটকে আপনার প্রিয় এলাহান কোংহান ?

শ্রী সিংহ :— ‘কিসাদে ষষ্ঠীগা আহির পানিল না দেহুরী’ বারো  
‘মি বলুরি বনে বনে’ ।

চিন্তা :— আপনি চাকুরী জীবনেত অবসর নেনার পিছেদে এবাকা  
কিসাদে জীবনহান কাটেকার ?

শ্রী সিংহ :— প্রাইভেট ছাত্রের লেরিক বাগাদিয়া নিজরে ব্যস্ত থইলু ।  
এবাকাতে গারিগ মুরারুরী ।

চিন্তা :— এবাকা আপনা বয়স কতি চলের ?

শ্রী সিংহ :— ৮৫ বৎসর

চিন্তা :— ‘তরুণোদয় কলা ভারতী’ নাট্য সংস্থা এগ প্রতিষ্ঠা  
করানির পিছনে কি উদ্দেশ্য আছিলতা ?



শ্রী সিংহ :— উদ্দেশ্য আছিলতাই আমার সমাজর এলা, নাচা, অভিনয় এতা কিসাঙ্গে করিয়া উন্নতভাবে তুলিয়া ধরানি। আসি শিক্ক বারো গাওর আর আর উৎসাহী মানুরেল থিয়েটার অকরলাও। উদ্দেশ্যহান থিয়েটার এহানরে উচ্চ স্তরে নিয়া যান।

চিন্তা :— “তরুণোদয় কলাভারতী” নাট্য সংস্থা এতা হওনির আগে আমার সমাজে যাত্রা, থিয়েটার এতা কি পর্যায়ে আছিল ?

শ্রী সিংহ :— অউসময়কার সমাজর পরিস্থিতিহান এবাকার সাদানে মঞ্চে অভিনয় করানি এহান নৈয়ছিল। লঙ্কাকাণ্ড, কুরুক্ষেত্র এতা হবা অয়া চলেছিল। গ্রাম বাসিয়উ নিয়াম আনন্দ পেইলা। দিনের বেলা নাগই রাতিদিন ধরিয়া চলেছে। মি নিজে না দেহেছ। মানুষে যারি দিলা। উহানে নি কিতানেই আমার থিয়েটার এতাত যোগদান করতে দ্বিধা বোধ নাকরলা।

চিন্তা :— আপনি যেবাকা থিয়েটার আড়ন্ত করলাও উত্তার আগে এ নরসিংপুর লয়াত কিতা থিয়েটার নৈয়ছিল থাও ?

শ্রী সিংহ :— আমার এ নরসিংপুর লয়াত থিয়েটার আছিল বুলিয়া মি না হুনেছ। তবে যাত্রা আছিল।

চিন্তা :— থিয়াটার এহান কারে কারেল আরন্ত করলাও ?

শ্রী সিংহ :— আস্তা গাওহানর শিক্কিত গ্রুপ, শিক্ক গ্রুপ বারো উৎসাহী গ্রুপ। থিয়েটারর প্রকাশভঙ্গী ভাষা আলাদা। উতা না জানিলা, মি দেহাদিলু।

চিন্তা :— আপনি অনেক থিয়েটার যাত্রাত অভিনয় করলাও। আপনার প্রিয় চরিত্রহান কুংহান আছিলতা ?

শ্রী সিংহ :— স্বভাবতই করুন চরিত্র। “মায়ের দান” (বা লা) নাটকে শ্রীবৎসর চরিত্র উহান মোর খুবই প্রিয়



আছিল। ১৫ বৎসর ধরিয়া এ ‘মায়েরদান’ নাটক  
এহান করলাও। বারো “হরিশ্চন্দ্র” চরিত্র উহান  
খুবই প্রিয় আছিল।

চিন্তা :— যাত্রার মা কার কার অভিনয় নিয়াম ঠিকপেইলাও ?

শ্রী সিংহ :— অভিনয় সম্পর্কে মাততে গেলেগা প্রথম স্থান অবশ্যই  
শ্রী মুরুলী সিংহ। কুঞ্জমণির নারগ জবর হবা। কিন্তু  
মুরুলী ফ্লো আলা ডাইলগ আগ গজে কাকরতে  
কাকরতে ক্লাইমেগ এ আয়া বেলতই উহান অসাধারণ।  
মি নিজেউ তার জাগা উহানাত নিয়া তুরারলুগা।  
মুরুলী মুরুলীই।

চিন্তা :— হরিশ্চন্দ্র নাটকে বিশ্বামিত্রর চরিত্রে দীনমনি সিংহর  
ভূমিকা উহান আপনারতা কিমে লাগিল ?

শ্রী সিংহ :— হরিশ্চন্দ্র নাটকে বিশ্বামিত্র, মায়েরদান নাটকে শনি  
এদ্বয়হান চরিত্রে দীনমণি গিরকে অভিনয় করল।  
উতার তুলনা নার। বিশ্বামিত্র চরিত্রে দীনমণি, শনির  
চরিত্রে দীনমণির অভিনয় না দেখলে অভিনয়র দিক  
আহান অপূরণ থার। তুলনা নেই।

চিন্তা :— হাস্য রস আপনারতা কিমে লাগিল ?

শ্রী সিংহ :— মি হাস্য রসে অভিনয় করেছ। বুড়েউ পাউরী। “রূপ  
হলো অভিশাপ” নাটকে বাগাবাগিশ বুলিয়া চরিত্র  
আহানাং অভিনয় করিয়া কাছাড় যাত্রা ফাংনাতি  
দ্বিতীয় পুরস্কার পেইলু। দেবদত্তই তৃতীয় পুরস্কার  
পেইলো হাস্য রসে। সোনা সিংহ হাস্য রসে প্রথম  
পুরস্কার পেইলো। সর্বমোট ঔফাংনা উহানাত এগারো-  
হান পুরস্কার পাছিলাও। হাবি চরিত্রে প্রথম। নায়েকে  
নায়েকাত, ভিলেনে ইত্যাদি।

আজিকার এ স্বাক্ষাংকার এহানাত আপনি আমারে  
সহযোগিতাহান করে দিলাও উহানরকা চিন্তার পক্ষ  
অশেষ ধন্যবাদ।

চিন্তা

# বীরজীং সিংহ

শিল্প

পৌ

ভূমিকম্প এহান হাবি মানুয়েই হারপাছি হান। এহান ডাঙর প্রাকৃতিক দুর্যোগ আহান। ভূমিকম্পর কথা হুনলে মানুহ মনে ডর হমার। কারণ ভূমিকম্প এহান এমাটিক ডাঙর প্রাকৃতিক দুর্যোগ— আহান যেহানর ধ্বংসলীলাতে পৃথিবীৰ কোনো প্রাণী বা বস্তুৰ রেহাই নেই। ভারতৰ ভিতরে যে যে ডাঙর কতহান ভূমিকম্প এবাকা পেয়া অয়া গেছেগা উতার তালিকা আহান নিম্নে দেনা অইল।

তারিখ	ফামহাম	রিকটাস্কেল	মন্তব্য
১-৭-১৭২০	দিল্লীর কাদাত	৬.৫	অনেক ঘর ধ্বংস অছিল।
০১-০৯-১৮০১	মথুরা	৬.৫	বি'ত নিয়ামপারা ফাটল দেহাদেছিল। প্রচুর পরি- মাণে পানি ফাটলে হমাছিল।
১৮০৩	কুম্বাউন অণ্ডল	৬.৫	৩০০ গ মানু বারাবলে মরেছিল।
১৬-৬-১৮১৯	কাচ (গুজরাট)	৮.৫	ভুজর শহরগ পুরাপুরি ধ্বংস। ১৫৪০ গ মানু মরেছিল।
৬-৬-১৮২৮	শ্রীনগর কাদাত	৬.১	১০০ গ মানু মরেছিল। বারো ১২০০ গ ঘর বাগেছিল।
১০-৬-১৮৬৯	কাছাড় (আসাম)	৭.৫	প্রচুর পরিমাণে বি'ত ফাটল দেহাদেছিল বারো গর্ত অছিল।
৩০ ৫-১৮৮৫	পশ্চিম শ্রীনগর	৭.১	৩৫,০০০ গ প্রাণী মরেছিল। উতার মা মানু মরেছিলাতায় ৩৫০০ গ।



তারিখ	ফামহান	রিকটাস্কেল	মন্তব্য
২১/১৮/৯৭	শিলং	৮.৭	প্রায় ১৫৪২ গ মান্দ মরেছিল। অনেক ঘর শিলং, গোয়ালপারা গোহাটী নগাঁও বারো সিলেটে ধ্বংস অছিল।
০৪/৪/১৯০৫	কাঙরা (হিমা চল প্রদেশ)	৮.৫	২০,০০০ গ মান্দ মরেছিল। কাঙরা, ধরমশালা পুরাপুরি ধ্বংস।
৮/৭/১৯১৮	শ্রীমাংল (আসাম)	৭.৬	৪৫০০ বর্গ কিঃ মিঃ জাগা ধ্বংস।
২/৭/১৯৩০	ধুবড়ী (আসাম)	৭.১	পুল বারো রেল লাইন ধ্বংস।
১৫/১/১৯৩৪	বিহার (নেপালবর্ডার)	৮.৩	প্রায় ১০,০০০ গ মান্দ মরেছিল।
১৪/৩/১৯৩৮	মধ্যপ্রদেশ	৬.০	ভূশাওয়াল, ধানদাওয়া, নাসিকা গদার, বরদাত ধ্বংস।
২৬/৬/১৯৪১	বঙ্গোপ- সাগর (আন্দা- মানর কাদাত)	৬.০	আন্দামানে অনেক ঘর বাগেছিল।
২৩/১০/১৯৪৩	আসাম	৭.২	আসামের উত্তরপূর্ব দিসাত ধ্বংস প্রাপ্ত।
১০/৭/১৯৪৭	জম্মুর উত্তর পূর্ব অঞ্চলে	৬.০	ভাদরওয়া অঞ্চলে প্রচুর পরিমাণে ধ্বংস।
২৯/৭/১৯৪৭	আসাম ২৮°৮'N, ৯৩°৭' E	৭.৩	ডিব্রুগড়, ষোড়হাট, তেজপুর্নে ধ্বংস।

তারিখ	ফামহান	রিকটার্কেল	মন্তব্য
১৫।৮।১৯৫০	আসাম ২৮°৬° N ৯৬°৬° E	৮°৫	ভূমিকম্পের ইতিহাসে এহান দ্বারা- অক ধরণরহান। ১৫৬ গ মান্দ মরে- ছিল। ৫০২গ মান্দ লগে লগে গোলা অনায় মরেছিল।
২১।৭।১৯৫৬	অনজার (গুজরাট)	৭°০	১১৫ গ মান্দ মরেছিল। ৪১৪ গ মান্দ জখম।
২৮-১২-১৯৫৮	উত্তর প্রদেশ ৩০°০১° N ২৯°৯৪° E	৬°৩	কাপফোট অঞ্চলর প্রায় ১৫০ বর্গ কিঃ মিঃ ধ্বংস।
০২-৯-১৯৬০	বাদগাম ৩৩°৯° N ৭৪°৭° E	৫°৩	৭৯ গ মান্দ মরেছিল। ৪০০০ গ মান্দ জখম।
২৭-৬-১৯৬৬	নেপাল ভারত বর্ডার	৬°১	৪০ গ মান্দ মরেছিল। বারো অনেক মান্দ জখম।
১০-১২-১৯৬৭	কইনা ১৭°৩৭° N ৭৩°৭৪° E	৬°৫	১৭৭ গ মান্দ মরেছিল। ২২৭২ গ মান্দ জখম।
৩।৪।১৯৬৭	ভদ্রচালম (অন্ধ্রপ্রদেশ)	৫°৭	কট্টাগোডম থারমেল পাওয়ার স্টেশন হংকরতে বাধা অছিল।
২৩।৩।১৯৭০	ব্রচ গুজরাট	৬°০	ব্রচহরে ২৬ গ মান্দ মরেছিল। ২০০ গ মান্দ জখম।
১৯।৬।১৯৭৫	কিন্‌নার (হিমাচল প্রদেশ)	৬°৮	৪৪ গ মান্দ মরেছিল। জখম অনেকগ।
২৯।৭।১৯৮০	ভারত নেপাল বর্ডার	৬°১	২০০ গ মান্দ নেপাল বারো ভারতে মরেছিল।
১৩।৮।১৯৮০	জম্মু	৫°২	১৫ গ মান্দ মরেছিল। কাথুয়াত দলাগ ঘর বাগেছিল।



তারিখ	ফামহান	রিকর্ডস্কেল	মন্তব্য
২০।০১।১৯৮২	নিকুবর দ্বীপপুঞ্জ	৬'৩	ক্যাম্পবেল জেঠী অণ্ডেল ক্ষতিপ্রাপ্ত।
৩০।১২।১৯৮৪	কাছাড় (ভারত বাংলাদেশ বর্ডার)	৫'৬	২০ গ মান্দু মরেছিল। ১০০গ মান্দু জখম। ১০,০০০ মান্দুর ঘর নেই। কাছাড়ে নিয়াম ক্ষতি।
০৬।৮।১৯৮৮	মণিপুর বার্মাবর্ডার অণ্ডেল	৭'২	৩৩ গ মান্দু মরেছিল। ৪২ গ মান্দু জখম। প্রচুর পরিমাণে ধনসম্পত্তি ক্ষতি।
২০।৮।১৯৮৮	বিহার নেপাল বর্ডার অণ্ডেল	৬'৫	৯৮৬ গ মান্দু মরেছিল। ৩,০০০ গ মান্দু জখম।
১৯।১০।১৯৯১	উত্তর প্রদেশ	৬'৬	২০০০ গ মান্দু মরেছিল। ১,৮০০ গ মান্দু জখম। ১৮,০০০ ঘর ধ্বংস। চানলী বারো উত্তর কাশীত ক্ষতি।
৩০।০৯।১৯৯৩	মহারাষ্ট্র ৬'২ ১৮ ২০N ৭৫'৭০E		৯,৭৪৭ গ মান্দু মরেছিল। প্রায় ৩০.০০০ মান্দু জখম লাতুর উদ্- মানাবাদ অণ্ডেলে ধ্বংস লীলা। খিলাড়ী অণ্ডেলে হাবিঘর ধ্বংস। মধ্য ভারত বারো দক্ষিণ ভারত প্রায় হাবি জাগাত ভূমিকম্প।

—ঃ—

পাকরিক :—

ডাঃ জেহু কুমার সিংহর

“জিবজিনি”

প্রকাশক :— দেবানন্দ দাস


জ্ঞান বিচিত্রা

১১ জে বি রোড


আগরতলা—৭৯৯০০১

দাম—রুপা দশহান

চিত্তা







শাদৈল--

শ্রী রণজিত সিংহর কাব্য গ্রন্থ

মোর  
হ্মারসি  
মোর  
প্রমরকাথিত  
৩৩



পূর্ণিমা লেইরিক লেইসাং